

聖濟總錄纂要

二

國立中央圖書館台灣分館



3 1111 008723627

414.6  
18250  
26  
v.2

414.6  
18250  
26  
V.2  
中國醫學大成第四集

方劑類

聖濟總錄



二

上海大東書局印行

# 聖濟總錄纂要

清 新安 程 林雲來纂輯

鄞縣 曹炳章赤電校點

## 卷二

### 傷寒門

#### 傷寒統論

論曰。風寒暑溼。飲食勞倦。皆能爲病。是謂五邪。冬傷於寒者。春必病溫。春傷於風者。夏必飧泄。夏傷於暑者。秋必痲瘧。秋傷於溼者。冬必欬嗽。是乃四時之氣也。然五邪所中。雖不同。本皆外邪。大率同類。唯多。冬時嚴寒。其毒厲尤甚。人或中之。病在冬時。則正名傷寒。若邪毒藏於肌膚。至春之時。乘溫而發者。溫病。若留連日久。至夏之時。乘盛暑而發者。爲暑病。所謂先夏至一日爲病溫。後夏至日爲病暑。是

也。其病之傳次。先客於太陽。其病令人頭項痛。腰脊強。其脈尺寸皆浮。太陽不已。傳於陽明。其病體熱。目疼鼻乾。不得臥。其脈尺寸皆大。陽明不已。傳於少陽。其病胸脇痛而耳聾。其脈尺寸皆弦。少陽不已。太陰受之。其病腹滿體重。其脈尺寸俱微。太陰不已。少陰受之。其病口燥舌乾而渴。或背微惡寒。其脈尺寸俱沉。少陰不已。厥陰受之。其病煩滿。舌卷囊縮。其脈尺寸俱緩。病之所傳。不過三陰三陽而已。其未滿三日者。邪在陽經。未入於裏。其病在表。宜汗之而愈。若經四日者。邪入陰經。其病在裏。宜下之而愈。特其大略爾。蓋有一日而傳之數經者。亦有數日而尙在太陽者。陽病雖宜發汗。陽明之病。反宜下之。陰病雖宜下。少陰之病。或宜溫之。由人之稟受虛盛。其傳有遲速。又有不傳經者。當審其脈證。凡此六經受病。五邪脈證各不同。傷風者。必惡風。其脈浮緩。傷寒者。必惡寒。其脈浮緊。以至傷暑脈虛。傷溼脈濡。人迎緊盛爲傷寒。氣口緊盛爲傷食。診得五邪。知其本也。診得六經。知其標也。有病雖在表而不可汗者。或裏而不可下也。或若汗之太多。則津液燥竭。遂致亡陽。下之太早。則邪氣動膈。乃成結胸。清濁相干。則變爲霍亂。熱毒內瘀。則變爲瘀血。又或爲發黃者。溼熱相蒸也。或爲發斑者。陽毒太盛也。陽盛之人。得之

於熱。乃爲陽毒。陰盛之人。得之於寒。乃爲陰毒。蟲動則爲狐惑。壞病之甚。則爲百合。若勞復。陰陽易之類。雖差後。猶宜節慎。變態多端。不可備舉。當以類求之。皆以適當爲良。唯兩感之病。表裏皆受邪。爲難治。其他或陰證似陽。陽證似陰。或陰盛隔陽。陽盛隔陰者。在診病者。以意詳之。

### 傷寒可汗

論曰。傷寒病汗之而愈者。以初得病。一日至三日。陽經受邪。未傳諸陰。其邪在表。故當發汗。此大約也。然病數日。脈浮。太陽證不罷者。亦可汗之。當以脈證爲準。凡頭痛發熱。惡風振寒。是爲可汗之證。其脈浮者。是爲可汗之脈。陽虛則惡寒。脈浮爲在表。或浮而弱。或浮而緊。或浮大而數。皆宜汗之。

麻黃湯方。治傷寒太陽病。頭痛發熱。身疼腰痛。骨節疼痛。惡風發熱。無汗而喘者。

麻黃去根節

桂去粗皮

甘草炙一兩

杏仁去皮尖雙

豉咀如麻豆大。每服五錢。水煎溫服。覆取微汗。不須啜粥。餘如桂枝法將息。

大青龍湯方 治傷寒太陽中風。脈緊發熱。惡寒身痛。不汗出而煩躁。

麻黃去根節 六兩

桂皮去粗

甘草各二兩

杏仁去皮尖雙 四十枚

生薑三兩

棗十枚

石膏一雞子大碎

咬咀如麻豆大。每服五錢。水煎溫服。脈微汗出惡風者不可服。

桂枝麻黃各半湯方 治傷寒太陽病得之八九日。如瘧狀。發熱惡寒。熱多寒少。

其人不嘔。清便。一日二三度發。脈微緩者為欲愈也。脈微而惡寒者。此陰陽俱

虛。不可更發汗。更下更吐也。面色反有熱色者。未欲解也。以其不能得小汗出

身必癢。

桂皮去粗皮 一兩半

芍藥

生薑

甘草

麻黃去根節 各一兩

大棗 四枚

杏仁三十四枚湯浸 去皮尖雙仁

咬咀如麻豆大。每服五錢。水煎溫服。

桂枝湯方 治傷寒太陽病。外證未解。脈浮弱者。當以汗解。

桂皮去粗

芍藥

生薑各三兩

甘草 二兩

大棗十二枚

哎咀如麻豆大。每服五錢。水煎溫服。須臾啜熱稀粥。助藥力。取微汗。

麻黃附子甘草湯方。治傷寒少陰病。得之二三日。宜微發汗。以二三日無裏證。

故微發汗。

麻黃去根

甘草各二兩

附子一枚炮製去皮臍

哎咀如麻豆大。每服五錢。水煎溫服。

葱豉湯方。治傷寒初覺一二日。頭項腰痛。惡寒。

葱白十四莖

豉半合

乾薑一分

麻黃去根

芍藥各半兩

哎咀如麻豆大。每服五錢。水煎溫服。良久投葱豉熱粥。蓋覆出汗。

葱粥方。治傷寒服葱豉湯後未得汗。再服。

葱白十莖并頭切

豉三合

生薑半兩拍碎

水五盞。煎至二盞半。去滓。入白米。依常法煮粥。入少鹽攪勻。任意食之。衣覆出

汗。未汗再服。

麻黃葛根湯方。治傷寒初得一二日出汗。

麻黃去根節 葛根 柴胡去苗各 芍藥三分

每服五錢。水一盞。豉一百粒。開口椒七粒。連鬚葱白三寸。薄荷二十葉。同煎熱服。服後葱豉湯一盞投之。衣覆取汗。未快再服。

葛根湯方 治傷寒初覺頭痛。惡寒壯熱。腹內熱。脈洪大。一二日宜服。

葛根 黃芩 苳胡去苗各 葱白五莖

豉一合

咬咀。每服五錢。生薑一棗大。拍碎同煎。溫服。良久再服。得汗即止。

麻黃解肌湯方 治傷寒初患一二日。體熱頭痛。

麻黃去根節 石膏碎 葛根各半 甘草一分

芍藥 杏仁去皮尖雙仁 桂三分

每服五錢。生薑五片。水煎溫服。

葛根湯方 治傷寒一二日。頭痛壯熱。遍身疼痛。其脈洪數。

葛根 白朮 芍藥 乾薑各半

麻黃去根節 桂各三分 甘草一分



每服五錢。水煎熱服。如脈微。即加附子半兩。

石膏人參解肌湯方 治傷寒初得一二日。頭疼壯熱惡寒。脈浮緊。

石膏碎 麻黃兩各一 苽胡去苗 人參兩各半

桂皮粗 甘草各一 葛根二兩

每服三錢。入葱豉。生薑同煎。熱服。

十味人參湯方 治傷寒頭痛體疼。寒熱不解。

人參 厚朴生薑 桂 甘草

杏仁去皮尖 白朮 乾薑 白茯苓

陳橘皮湯浸去白 麻黃去根節湯煮

每服三錢。生薑二片。棗一枚。同煎熱服。纔覺傷風。併三兩服。汗出立差。

羌活湯方 治傷寒表不解。頭痛體疼發汗。

羌活 獨活 苽胡 前胡

人參 白茯苓 桔梗 芎藭

甘草炙各一兩 枳殼炒二兩

每服三錢。生薑二片。薄荷少許。同煎溫服。不拘時。

葱豉湯方 治傷寒一日至三日以前身熱脈大肢體疼痛汗不出。

蒼

朮 米泔浸去皮麩炒黃

黃

去根節湯煮去沫各二兩

甘

草 灸

桂 各一兩

每服三錢。葱白三寸。鹽豉二十粒同煎。熱服。不拘時候。

### 傷寒可下

論曰。凡傷寒邪入於陰。其病在裏。法當下之。諸腹滿。不大便。或口燥舌乾而渴。或潮熱譫語。皆為可下之證。諸診得脈沈而實。即為可下之脈。但脈證已具。不必拘以日數。急宜攻裏。若病雖過經。而邪證未備者。未可下也。故經曰。陽盛陰虛。下之則愈。其法謂此。

陽明病不吐不下。心煩者。可與調胃承氣湯。太陽病三日發汗不解。蒸蒸發熱者。可與調胃承氣湯。傷寒吐後。腹脹滿者。可與調胃承氣湯。調胃承氣湯方

甘草炙二兩

大黃以清酒洗四兩

咬咀每服五錢。入芒硝一錢。更煎一二沸。溫服。

陽明病脈遲。雖汗出不惡寒者。其身必重。短氣腹滿而喘。有潮熱者。此外欲解。可攻裏也。手足濇然汗出者。此大便已鞭也。與大承氣湯。若汗多微發熱惡寒者。外未解也。其熱不潮。未可與承氣湯。若腹大滿不通者。可與小承氣湯。微和胃氣。勿令至大泄。下大承氣湯。

大承氣湯方

大黃酒洗四兩

厚朴炙半斤

枳實熬五枚

咬咀每服五錢。入芒硝一錢。同煎溫服。

陽明病其人多汗。以津液外出。胃中燥。大便必鞭。鞭則讞語。小承氣湯主之。若一服讞語止者。勿再服。

小承氣湯方

大黃四兩

厚朴二兩

枳實熬大者

咬咀每服五錢。水煎溫服。初服湯。當更衣。不爾者。盡飲之。若更衣者。勿服。

茈胡湯方 治傷寒四日以後煩熱不解大小腸澀。

茈胡去苗 黃芩一兩 犀角鎊

山梔子仁半兩 大黃炒半 木通三分

每服五錢。入竹葉三片。同煎空腹服。大小腸通為度。如未效再服。

大茈胡湯方 治傷寒十餘日熱結在裏往來寒熱者。

茈胡去苗 枳實四兩 黃芩

半夏二兩半湯洗七遍 大黃二兩

咬咀。每服五錢。入生薑十片。棗三枚。同煎溫服。

調胃承氣加橘皮湯方 治傷寒發汗不解蒸蒸發熱。

陳橘皮浸去白 大黃醋炒 甘草炙半

每服四錢。入芒硝一錢。同煎溫服。

大青散方 治陽盛發狂有斑大小便閉澀。

大青 知母 黃芩

山梔子仁 升麻 黃連各一 甘草炙半 大黃煨

共爲散。每服三錢。入朴硝一錢。蜜水調下。  
承氣丸方。治傷寒時氣溫熱病。大便不通。

大黃炒三

郁李仁湯浸去

枳實

朴

硝研各一兩

共研爲末。和勻煉蜜丸。如梧桐子大。每服二十九。生薑湯下。未利再服。不計時候。

### 傷寒可吐

論曰。諸病吐之而愈者。邪在胸中也。傷寒大法。謂四日以上。若入陰經。其傳未深。邪氣高而裏實。客於胸膈。下之則動胃。汗之則亡陽。惟宜吐而出之。然亦不必拘此。凡寒邪熱毒。痰實在胸中。及有宿食在胃脘者。皆當吐之。但診其脈。寸口或浮或滑。或數或緊。與諸部不同者。其證心胸痞滿。鬱鬱而痛。不能息。多涎唾。飲食入則吐。欲吐復不能出。或手足厥冷。及心下滿而煩。餓不能食。吐下後心中懊懣者。是也。內經所謂其高者因而越之。卽其法也。

瓜蒂散方。治胸有寒病。如桂枝證。頭不痛。項不強。寸脈微浮。胸中痞硬。氣上衝。

喉咽不得息。當吐之。

瓜蒂熬

赤小豆各一分

搗篩再和勻。每服一錢。豉一合。湯七合。先漬之。須臾煮作稀糜。取汁調散。放溫頓服。不吐少加之。快吐為度。亡血虛家不可與。

擦膈湯方 治傷寒三四日。胸中痰壅。憎寒壯熱頭痛。

桃枝

一握東引

柳枝

一握

甘草

生用

烏梅

去核三枚

山梔子仁一分

各細剉。同用漿水一大盞半。煎至一盞。空心分為三服。相次再服。取吐為度。

三物湯方 服前擦膈湯吐後頭痛壯熱未退。即服此三物湯。

薄荷一握

人參

半兩

生薑

一分

水煎。空心溫服。晚再服。

苦參散吐方

苦參

為細散。每服三錢。溫酒五合。調服之。即吐。

人參湯吐方 治傷寒出汗後。心胸妨悶。煩熱未退。

人參 半兩

燈心 束一小

枳殼 一數分

大腹皮 一枚

茶末 二錢

生甘草

除茶末外。各細剉。用淡漿水二大盞。煎至一盞。下茶末攪勻。分溫二服。以紙撚子於咽喉中。取吐爲度。

### 傷寒可溫

論曰。傷寒病雖有三陰三陽。然在陽則太陽病多。在陰則少陰病多。以二經爲表裏故也。至於陽明太陰病頗稀少。而少陽厥陰病又少也。然究觀古人治陽明則多下。於少陰則多溫。蓋陽明者胃也。胃受病則不惡寒反惡熱。漉漉汗出。大便秘。譫語潮熱。須下之乃愈。若乃氣弱本虛人。初中病。腠理寒。邪氣更不經三陽。而便見少陰證。蓋少陰者腎也。腎受病。則身冷惡寒。四肢厥逆。脈微細。心煩。但欲寐。或自利而渴。須溫之乃愈。雖然三陰病。大約可溫。而古人特於少陰詳言之者。則少陰病尤宜溫故也。

附子湯方 治傷寒少陰病。得之一二日。口中和。其背惡寒者。當灸之。

附子去皮臍二兩

人參一兩

白朮四兩

芍藥

白茯苓三兩

每服五錢。水煎溫服。日二。

四逆湯方 治傷寒少陰病。脈沉者急溫之。

甘草二兩

乾薑兩半

附子生一枚

劉如麻豆。每服五錢。水煎溫服。強壯之人可倍加薑附。

四逆湯方 治傷寒少陰病。下利清穀。裏寒外熱。手足厥冷。脈微欲絕。身反不惡

寒。其人面色赤。或腹痛。或乾嘔。或咽痛。或利止。脈不出者。通脈加減四逆湯。

甘草二兩

附子大者一枚

乾薑兩二

各剉如麻豆大。每服五錢。水煎溫服。其脈即出者愈。面色赤者。加葱九莖。腹中

痛者。去葱。加芍藥二兩。嘔者。加生薑二兩。咽痛者。去芍藥。加桔梗一兩。利止脈

不出者。去桔梗。加人參二兩。病皆與方相應者。乃服之。

生薑湯方 治傷寒手足厥冷。脈細欲絕。其人內有久寒者。宜當歸四逆加吳茱



黃生薑湯。

當歸

芍藥

桂去粗皮

細辛各三兩

吳茱萸湯洗炒

甘草

木通各二兩

劉如麻豆每服五錢。入生薑半分。棗三枚。水酒同煎。溫服。

通關飲方 治厥陰傷寒。脈弦長者生。沉細不足者死。

附子一兩

乾薑

羌活

桔梗

甘草

五加皮各半兩

桂三分

黃耆一分

防風半

劉如麻豆每服五錢。水煎食前溫服。

迴陽湯方 治傷寒陰盛。手足厥冷。體寒脈微。

延胡索炒

半夏切生薑汁炒黃

甘遂熬炒各一兩

陳橘皮湯浸去白

附子去皮

桂皮去粗皮

麻黃去根節湯煮去沫各半兩

檳榔一枚

天南星一枚

劉如麻豆每服二錢。酒煎溫服。服後一次頃。患人頭面渾身覺熱時。便與衣服。

蓋覆令出汗。

溫白丸方 治傷寒面青。心下堅鞭。開口出氣。身體不熱。頭面多汗。四肢厥冷。

半夏湯浸去滑

白附子炮

硫黃研各一兩

共研為末。用粳米飯搗和為丸。如梧桐子大。每服二十九丸。溫酒下。吐逆炒薑鹽

酒下。或艾醋湯下。陰毒併喫二三服。不計時候。

白朮飲方 治傷寒伏陰。胸膈妨悶。吐逆不定。手足厥冷。

白朮

附子去皮

高良薑炮

桂皮去粗

人參

乾薑炮各一兩

藿香去根一分

劉如麻豆。每服三錢。水煎溫服。

吳茱萸散方 治傷寒渾身手足厥冷。面青唇口無色。心中寒慄。

吳茱萸湯浸焙炒

硫黃研

桂皮去粗

附子去皮

芎藭各一分

搗羅為散。煎艾葉湯調下三錢。陰盛者兼灸氣海數十壯。

黑龍湯方 治傷寒陰盛隔陽。身冷煩躁。脈細沉緊。

附子一枚及半兩者燒存性用冷灰煨去火毒

搗研細入臘茶一錢和勻分作二服每服以水一盞蜜半匙同放冷服須臾躁止得睡汗出爲效。

退陰丸方 治傷寒陰盛手足多冷脈沉細助陽消陰。

硫黃

消石

陽起石

太陰玄精石

白礬

石膏各半兩

研爲末同入銚子內熬成汁爲度放冷細研用水浸炊餅爲丸如梧桐子大煎艾湯下十五丸。

### 傷寒過經不解

論曰傷寒爲病六經受邪始傳於三陽病在表者可汗其滿三日傳於三陰病入裏者可下其不兩感於寒更不傳經不加異氣者至七日太陽病衰頭痛少愈八日陽明病衰身熱少微九日少陽病衰耳聾微聞十日太陰病衰腹滿減如故十一日少陰病衰渴止舌乾已而嘔十二日厥陰病衰囊縱少腹微下大氣皆去病

人精神爽慧也。故傷寒愈者。皆在十二日。若過此經。病猶不解者。為邪熱結于裏。其或譫言妄語。或鬱鬱微煩。或腹滿吐下。皆緣治之失宜。邪氣稽留。故病過經不能解也。當隨其證以治。若更感異氣。變為他疾者。當依壞病法療之。

犀角湯方

治傷寒過經不解。熱解在裏。往來寒熱。煩渴躁悶。

犀角屑一兩 柴胡去苗 吳藍各三

大青

升麻各一兩

烏梅去核

黃芩各三

甘草半兩

每服五錢。入竹葉三十片同煎。食後溫服。

木通湯方 治傷寒十三日。過經不解。臍腹脹滿。小便淋澀。煩悶燥渴。

木通

葛根

青橘皮湯浸去白鹽炒

檳榔

滑石

瞿麥穗各一兩

每服五錢。入葱白二寸。同煎溫服。不計時候。

柴胡湯方 治傷寒發汗下之後。過經不解。胸脇滿結。渴而不嘔。但頭汗出。往來

寒熱。小便不通。宜服柴胡湯。

柴胡二兩

桂

黃芩各一兩

牡蠣生用

甘草各半

栝蔞根半兩

木通一兩

每服五錢。生薑半分。葱白五寸。同煎食後溫服。

### 中風傷寒

論曰。中風傷寒。三陽三陰。候各不同。太陽中風。其脈陽浮陰弱。其證發熱自汗。蓋陽浮熱自發。陰弱汗自出。嗇嗇惡寒。淅淅惡風。燿燿發熱。鼻鳴乾嘔。又曰。太陽病發熱。汗出脈緩者。名爲中風。不可燔灸。若以火發其汗。邪風爲火熱所劫。血氣流溢。榮衛失常。兩陽熏灼。其身發黃。陽盛卽衄。陰虛卽小便難。陰陽俱虛竭。其身體枯燥。但頭汗出。劑頸而還。腹滿微喘。口乾咽爛。或不大便。久則讖語。甚者至噦。手足躁擾。循衣摸床。其小便利者可治。陽明中風。卽陽明病。能食爲中風。其證口苦咽乾。腹滿微熱。惡寒。脈浮而緊。下之則腹滿。小便難。少陽中風。兩耳無聞。目赤。胸中滿而煩。不可吐。吐之則悸而驚。太陰中風。四肢煩疼。其脈陽微陰澀。而長爲欲愈。少陰中風。其脈陽微陰浮。爲欲愈。厥陰中風。其脈微浮。爲欲愈。不浮爲未愈。凡此六經之病。其狀雖異。大抵其脈皆浮。經所謂浮爲風是也。

大青龍湯方 治傷寒太陽中風脈浮緊發熱惡寒身痛不汗出躁煩。

麻黃去根節黃六兩桂皮去粗

甘草炙各二兩

杏仁去皮尖雙仁四十枚

石膏如鷄子大碎

咬咀如麻豆服五錢入生薑一棗大棗二枚同煎溫服取微汗汗多者以溫粉粉之。

桂枝湯方 治中風傷寒陽浮陰弱陽浮者熱自發陰弱者汗自出惡寒發熱鼻

鳴乾嘔等疾。

桂皮去粗

芍藥各三分

甘草炙半兩

每服五錢入生薑一棗大棗二枚同煎溫服以汗為度未汗更服仍作生薑稀

粥投之。以助藥力。

石膏湯方 治中風傷寒頭痛四肢瘡痛身體沉重。

石膏

甘草炙

麻黃去根節

桂

芍藥各二兩

每服五錢入生薑一塊同煎空心溫服。

麻黃桂心湯方。治中風傷寒。脈浮緊。發熱惡寒。身體疼痛。汗不出而煩。

麻黃去根節煎掠

桂皮去粗

甘草

乾薑泡各一兩

石膏

乾薄荷葉

杏仁去皮尖雙

每服五錢。入棗二枚同煎。食前溫服。

桂枝湯方。治中風傷寒初得。其外證頭項疼。腰背強。壯熱語澀恍惚。唾涕稠黏。

遍身拘急。

桂去粗皮三分

芍藥

半夏湯洗七遍生薑等分同搗

附子

菖蒲

麻黃去根節羌活

細辛各半兩

白芷一分

剉如麻豆。每服三錢。入生薑一塊同煎。食前溫服。蓋覆取汗。

麻黃細辛丸方。治中風傷寒。頭痛惡寒。四肢煩疼。心躁悶。

麻黃去根節

細辛

人參

白茯苓

甘草

白朮各半兩

栝蒌根三分

共研為末。鍊蜜和搗丸。如雞頭大。每服一丸。薄荷蜜湯研下。

### 傷寒溼溫

論曰。傷寒有五。其一爲中溼。蓋風溼之氣中人爲病。發熱與寒病相類。故曰溼溫也。此因汗出當風。或因取冷過度。致陰溼氣襲入肌膚。流傳經絡。其證喜汗出。關節疼痛。發熱而煩。小便不利。大便反快。是謂中溼。若風溼相搏。則一身盡疼。日晡即劇。溼熱相蒸。則身必熏黃。凡治風溼者。欲其微汗。即風氣解而溼自去。溼甚者。當利其小便。不可大發汗。大汗則風去溼在。其病不去。亦不可下之。下之早則噦。下之而利不止。即死。診其脈當沉而細。難經曰。溼溫之脈。陽濡而弱。陰小而急是也。

麻黃杏仁薏苡仁甘草湯方 治溼溫病。一身盡疼。發熱。日晡即劇。此病傷於汗

出當風。或久傷取冷所致。

麻黃去根節 三兩 杏仁去皮尖雙仁 三十枚炒

薏苡仁 一兩

甘草炙一兩

咬咀。每服五錢。水煎溫服。



桂枝附子湯 治傷寒八九日。風溼相搏。身體疼痛。不能自轉側。不嘔不渴。脈浮虛而澹者。桂枝附子湯主之。若其人大便堅。小便自利者。朮附子湯主之。

桂枝去粗皮四兩

附子三枚

甘草炙二兩

咬咀。每服五錢。入生薑五片。棗二枚。同煎熱服。

朮附子湯方

附子泡製皮去三枚

白朮四兩

甘草炙二兩

劉如麻豆。每服五錢。入生薑五片。棗二枚。同煎溫服。初一服。其人身如痺。半日許復之。三服後。其人如冒狀。勿怪。此以附子朮併走皮中。逐水氣未得除。故使之然耳。法當加桂四兩。此本一方二法。以大便堅。小便自利。故去桂也。以大便不堅。小便不利。當加桂。附子三枚。恐多也。虛弱家及產婦。宜減服之。

甘草附子湯方 治風溼相搏。骨節疼痛。掣痛不得伸屈。近之則痛劇。汗出短氣。小便不利。惡風不欲去衣。或身微腫者。

甘草炙二兩

附子二枚

白朮三兩

桂四兩

咬咀如麻豆。每服五錢。水煎溫服。初服得微汗則解。能食。汗止復煩者。少減服。

之。千金方去身腫者。加防風四兩。悸氣小便不利者。加茯苓三兩。既有附子。今加生薑三兩。

治溼家身煩疼。麻黃湯加朮四兩。發其汗為宜。慎不可以火攻之方。

麻黃三兩

桂二兩

甘草一

杏仁七枚去尖雙

白朮四兩

咬咀如麻豆大。每服五錢。水煎溫服。取微汗則解。

防風黃耆湯方。治風溼脈浮。身腫汗出惡風者。防風黃耆湯主之。

防風四兩

黃耆五兩

甘草二

白朮三兩

咬咀如麻豆大。每服五錢。入生薑半兩。大棗二枚。同煎溫服。日三。喘者加麻黃。

胃中不和者。加芍藥。氣上衝者。加桂。下有陳寒者。加細辛。服後當如蟲行皮中。

腰以下如冰。後坐被上。又以一被遶腰下。溫令微汗差。

杏仁湯方。治風溼身體疼痛。惡風微腫。

杏仁去皮尖雙仁

桂去粗

麻黃去根節先煮

芍藥

天門冬去心焙

咬咀如麻豆大。每服五錢。入生薑半分。同煎溫服。

### 傷寒時氣

論曰。春溫夏熱。秋涼冬寒。是為四時正氣。非其時有其氣。人或感之。病無分少長。率相似者。謂之時氣。如春應溫而反寒。夏應熱而反冷。秋應涼而反熱。冬應寒而反溫是也。其候與傷寒瘟疫病相類。但可汗可下之證。比傷寒瘟疫病療之宜輕爾。

葛根湯方 治時氣二三日不解。頭痛壯熱惡寒。

葛根 一兩

麻

黃

去根節 炙二兩

陳橘皮

去白 湯浸

甘

草

黃芩

知

母

杏

仁

去皮尖雙 各一兩

每服三錢。入生薑二片。同煎溫服。

七聖湯方 治時氣頭痛壯熱。肢體煩痛。

麻

黃

去根節 炙三兩

蒼

朮

炒二兩

橘

皮

湯浸 去白

木

通

各一兩

桔

梗半 一兩

山茵陳

一兩

甘

草

炙二兩

每服三錢。生薑三片。同煎溫服。



八神湯方 治時氣一二日。頭痛壯熱。心神煩悶。

麻黃炙一兩

大黃

當歸

甘草

白朮

山梔子仁各半

芍藥

荊芥穗各一

每服三錢。入薄荷三葉。葱白一寸。生薑二片。同煎熱服。

人參乾葛湯方 治時行表不解。壯熱惡寒。

人參

乾葛

白芍藥

桔梗炒各一兩

赤茯苓三分

甘草

木香各半

麻黃依前炙三分

每服三錢。水煎熱服。併三兩服。溫覆出汗。

五苓散方 治時氣解表出汗。

赤茯苓

桂

澤瀉

白朮各一

豬苓去黑皮半兩

為散。每服五錢。以新汲水調頓服訖。以葱豉粥投之。衣蓋取汗。

葱白湯方 治時氣傷寒發汗。

葱白研二

生薑二兩

豉一合

細茶末二錢

先以水二盞煎葱并薑至一盞半。次下豉煎少時。卽入茶末。去滓頓服。厚衣蓋取汗。

解表湯方 治初得傷寒時氣。壯熱頭痛。

甘草炙二兩 生薑二兩 黑豆二合

咬咀。每服五錢。煎頓服。厚衣蓋覆取汗。

附桂散方 治傷寒時氣。

附子去皮 桂各半

為散。每服三錢。熱酒調頓服。厚衣蓋。汗出為度。

萬靈湯方 和養三焦。調順陰陽。升降痞滯。祛遣寒邪。溫中散寒。煖胃和脾。滋助

氣血。思美飲食。虛寒痼冷。痰癥動氣。心膈疼痛。噎悶嘔逆。一切氣疾。不日全愈。

前胡 柴胡 秦艽 甘草炙各半斤

藜香子炒 木香 桂去粗皮 檳榔十枚

白豆蔻去殼半斤 芍藥半斤 青橘皮半斤 芎藭半斤

甜葶藶微炒半斤 桔梗四兩

每服三錢。大棗二枚。同煎。食前溫服。

### 傷寒疫癘

論曰。人居天地間。稟氣於陰陽。氣和則安。氣豎則病。故一歲之內。節氣不和。寒暑乖候。皆為疫癘之氣。感而為病。故名疫癘。其狀無問長少。率皆相似。俗又名天行。其病與時氣溫熱等病相類。各隨其證。以方制之。

前胡湯方 治時行疫癘壯熱。效嗽頭痛心悶。

前胡

升麻

麥門冬

貝母

去心

紫苑去土苗

杏仁

去皮尖雙仁 研各半兩

甘草

炙一分

石膏一分兩

每服三錢。竹葉二七片。同煎溫服。不拘時。

葛根湯方 治時行疫癘。兼風熱目疼。心中妨悶。

葛根一兩

芍藥三分

蔥白三莖

豉半合

水煎溫服。日再服。

石膏湯方 治時行疫癘病。壯熱頭痛唇乾。

石膏 一兩

葛根 三分

芍藥

貝母

百合

升麻 各半

梔子仁

甘草 炙 各

每服三錢。豆豉五十粒。葱白三寸。同煎服。

柴胡湯方 治時行疫癘。一二日。頭痛壯熱。

柴胡 二兩

芍藥 一兩

梔子仁

黃芩 各半

石膏

葛根 各一兩

每服五錢。葱白三寸。豉三十粒。同煎溫服。不計時候。

### 傷寒結胸

論曰。傷寒病發於陽。下之早。邪毒之氣結聚於胸膈。故名結胸。其證心下堅。鞭按之則痛。項強如柔痙狀。或從心下至少腹。堅滿而痛。其痛不可近。其脈寸口浮。關上自沈。是其候也。若正在心下。按之即痛。而脈浮滑。亦名結胸。凡此本太陽病。脈浮而動數。醫反下之。胃中空虛。客氣動膈。令人短氣躁煩。心中懊懣。陽氣內陷。心

下堅滿。則為結胸。又或因得病二三日不能臥。但欲起者。心下必結。若脈微弱者。此素有積寒。而反下之。利止作結胸。但下之而脈浮者。必結胸。皆當下之。脈促者。不為結胸也。脈若浮。即不可下。下之則死。結胸證悉具。煩躁者亦死。又有水結在胸脇者。又有臟結者。結胸無大熱。為水結。似結胸狀。飲食如故。時時下利。陽脈浮。關脈小細沉緊者。為臟結。舌上白胎滑者。為難治。若心下痞堅。按之不痛者。非結胸。乃痞也。宜審察而各依其法治之。

陷胸丸方 治傷寒結胸。心下堅實。大便秘利。

大黃 醋炒

葶蔞子 隔紙炒

杏仁 炒各二兩

朴硝 一兩研細與杏仁同研令如膏

共為末。再同研勻。入少鍊蜜和。更杵三五百下。丸如彈子大。每服一丸。別入甘遂末半錢。蜜一合。水煎溫頓服之。一宿乃下。如不下更服。取下為效。

大陷胸湯方 治傷寒結胸。頭項強。心下痛。按之實鞏。

大黃 醋炒二兩

甘遂 紙裹煨一錢

朴硝 另研二兩

各搗研為末。每服用水一鍾。入大黃末二錢。次下朴硝末一錢。同煎一二沸。次



下甘遂末一匙。攪勻溫服。取快利爲度。

小陷胸湯方。治傷寒小結胸病。正在心下。按之則痛。脈浮滑者。

黃連去鬚一兩半。夏湯洗七遍二兩半。括蕪實大者一枚。

各細剉。先以水五盞。煎括蕪實取三盞去滓。入黃連半夏各一半。煎取一盞分

溫三服。

治傷寒寒實結胸。無熱證者。與三物小陷胸湯。用前方白散亦可服之。

桔梗炒三。巴豆去皮心熬黑一分。貝母去心三分。

除巴豆外。搗羅爲散。入巴豆合勻。每服強人半錢。弱羸之人減之。並溫熱水調服。病在膈上必吐。在膈下必利。不利進熱粥一杯。利不止進冷粥一杯。身熱皮粟不解。欲引衣自覆。若以水瀝之洗之。益令熱却不得出。當汗而不汗則煩。假令汗出已。腹中痛。與芍藥三兩如上法。

葶藶湯方。治傷寒結胸。心下痛如石堅。鞭小便不利。

葶藶子隔紙炒。檳榔半兩。桑根白皮三分。杏仁去皮尖。

大黃醋炒各。朴硝三分。

每服五錢。水煎。食前溫服。

增損理中丸。治傷寒下後。虛氣不理。毒復上攻。毒氣相搏。結於胸中。縱不下者。毒已入胸。胃中不通。毒還攻上。心中結滿。厥逆欲絕。心起高胸。手不可近。當先理其氣。

人參

白朮

甘草

括蕪根

枳實去瓢

赤茯苓去黑皮

牡蠣二兩

乾薑一兩

搗羅為末。鍊蜜丸如彈子大。每服一丸。熟水化下。不歇再服。不過五六丸。胸中豁然。

陷胸青龍湯方。治傷寒結胸。毒氣內盛。手足逆冷。腹脹喘急。大便不通。

牽牛子微炒

人參三分

陳橘皮浸去白

桂

檳榔各一兩

大黃醋炒

朴硝一兩

每服五錢。入生薑半分。同煎。食前溫服。

傷寒謔語

論曰。傷寒不應發汗而汗之。遂至亡陽。津液內竭。胃中燥實。則令譫語。此病或由津液不和。內有燥屎。或三陽合病。或瘀熱蓄血在裏。或婦人熱入血室。皆使譫語也。然譫語屬胃。胃者足陽明經也。陽明爲病。主身熱。故譫言妄語。則身當有熱。脈當洪大。洪大亦陽脈也。故其病爲煩滿譫語。而手足厥。脈反沈細而微者。爲逆也。然又有鄭聲者。取其鄭重之意。與譫語相類。蓋古人以此分虛實。醫者當以脈症參合別之。不可不慎。故謂虛則鄭聲。實則譫語。

小承氣湯 治傷寒陽明病人。多汗津液外出。胃中燥。大便必硬。硬則譫語。宜此湯。

大黃四兩

紫朴二兩

枳實三枚

水煎五錢。空心溫服。日二。

大承氣湯 治傷寒陽明下血譫語。此爲熱入血室。但頭汗出者。刺期門。隨其實而瀉之。澀然汗出則愈。汗出譫語。以有燥屎在胃中。此爲風也。須下者。過經乃可下之。下之若早。語言必亂。以表虛裏實故也。下之愈。

大黃四兩

紫朴半斤

枳實五枚

水煎五錢去滓。入芒硝末一錢。再沸溫服。日二。

白虎湯 治傷寒三陽合病。腹滿身重。難以轉側。口不仁而面垢。譫語遺尿。發汗則譫語。下之則額上汗出。手足厥冷。若自汗出者。宜此湯。

知母六兩

石膏一斤

甘草二兩

粳米六合

水煎五錢溫服。

柴胡湯 治傷寒熱實。得汗不解。腹滿脹痛。煩躁譫語。

柴胡一兩

大黃煨

枳殼五錢

白芍

半夏三分

枳殼五錢

薑水煎五錢溫服。

犀角湯 治傷寒邪熱在胃。譫語妄言。身體壯熱。

犀角

大青

人參三兩

遠志

升麻兩半

片苓

柴胡一兩

甘草五錢

薑水煎五錢。入蘆根茅根各五寸。溫服。

人參柴胡湯 治傷寒經六七日不解。默默而煩。心腹乾燥。大腸結澀。譫語妄言。

人參三分

柴胡一兩

白芍

知母

片苓

萎蕤

大黃炒

半夏

甘草五錢

薑水煎五錢服。日二。

自愈方。治傷寒病。汗多亡陽。謔言妄語。不可下。與柴胡桂枝湯以和榮衛。以通

其津液。

柴胡四兩

白芍

人參

桂心

片苓

半夏

甘草一兩

薑棗水煎五錢。空心溫服。日二。

### 傷寒潮熱

論曰。傷寒潮熱者。謂潮作有時。由邪氣入裏。故病日晡發潮熱。已而微利者。有微發潮熱而大便溏者。有潮熱而咳逆者。有結胸而潮熱者。大凡潮熱。皆以邪氣內實。制方宜酌其輕重。

小柴胡湯 詳譜

柴胡加芒硝湯 治傷寒十三日不解。胸脇滿而嘔。日晡潮熱。已而微利。此大柴胡症。下之而不得利。今反利者。知醫以丸藥下之。非其治也。夫潮熱者實也。先宜服小柴胡以解外。後與此湯。

柴胡

半夏

芒硝二兩

人參

片苓

甘草二兩

薑棗水煎五錢去渣。入芒硝一錢。沸服。

大小承氣湯 詳譜

柴胡石膏湯 治傷寒十日以上。潮熱不退。

柴胡

石膏

白朮

赤茯苓

山梔

萎蕤

桑白皮三分

水煎五錢溫服。日二。

鼈甲湯 治傷寒過經。潮熱不解。或作寒熱如瘧狀。

鼈甲

柴胡

赤茯苓一兩

片苓

甘草

知母五錢

桑白皮三分

薑棗水煎五錢服。

秦芄湯 治潮熱不退。發作無時。

秦芄

鱉甲一兩

甘草五錢

生薑水煎五錢。入豆百粒。葱白三寸。空心溫服。日二。

### 傷寒煩渴

論曰。腎者水藏。膀胱者。津液之腑。二經相為表裏。傷寒熱入于臟。流于少陰之經。則腎受病矣。腎水惡燥。熱盛則燥。故渴而引飲。又傷寒邪氣。非發汗吐下則不能除。若發汗吐下。過甚則亡津液。津液耗少。熱氣內生。亦令人煩渴也。白虎加人參湯 治傷寒用桂枝湯。大汗出大煩渴不解。脈洪大者。

知母三兩

人參兩半

石膏八兩

甘草一兩

梗米三合

水煎五錢。至米熟溫服。日二。

五苓散 治發熱六七日不解。煩渴引飲。水入則吐。此為水逆。

猪苓

赤茯苓

白朮

桂心

澤瀉 瀉一兩

共末。熟水下二錢。日二。汗出乃愈。

猪苓湯 治傷寒脈浮發熱。渴欲飲水。小便不利。水入則吐。

猪苓

赤茯苓

阿膠

滑石

澤瀉 瀉一兩

水煎五錢。空心溫服。以差為度。

八味知母湯 治傷寒病數日不解。心躁煩亂。小腹脹急。臍下疼痛。大渴喘乏。

知母

白芍

麥冬

柴胡

澤瀉 瀉三分

片苓

甘草 五錢

石膏 兩半

薑棗竹葉水煎五錢服。

葛根散 治傷寒躁渴。頭痛不得眠。四肢痛。

葛根

片苓

大青

石膏



人參一兩 甘草五錢

水煎三錢溫服。日二。

人參湯 治傷寒下後除熱止煩渴。

人參 麥冬 五味

石膏一兩

甘草五錢

水煎五錢服。日二。

黃芩蘆根湯 治傷寒吐下後內外有熱煩渴。

片苓 蘆根 人參 赤茯苓一兩

桂心五錢

薑棗水煎五錢服。

竹茹湯 治傷寒吐下後煩渴不止。

竹茹一丸 人參五錢 烏梅肉炒二枚

水煎三錢服。日二。

茯苓地黃湯 治傷寒胃熱引飲煩渴不止。

赤 茯

生 地

栝 萼一兩

知 母五錢

麥 冬兩半

水煎五錢。入小麥百粒。竹葉二七片。棗二枚煎服。

知母犀角湯 治傷寒煩渴。飲水無度。日漸消瘦。

知 母

犀 角

升 麻五錢

石 膏三分

水煎五錢。入竹葉三七片。小麥五十粒。土瓜根汁。栝萼汁各半合服。

### 傷寒煩躁

論曰。傷寒陽氣多陰氣少。病發于陽經者。故令煩躁。其候身熱而煩。渴引水漿。若胃中乾燥者。必譫語。亦有少陰經煩躁者。當辨之。

大青龍湯 治傷寒太陽中風。脈浮緊。發熱惡寒。身疼痛。不汗出而煩躁者。此湯主之。若脈微弱。汗出惡風者。不可服。服之則厥逆。筋惕肉瞤。此為逆。

麻 黃去根節六兩

甘 草

桂 心二兩

杏 仁去皮尖炒四十枚

石 膏三兩

薑棗水煎五錢。溫服。出汗止後服。

五苓散煩躁不得眠

白虎加人參湯。大渴舌乾燥。欲飲水數升。二方俱詳煩渴。

茯苓四逆湯。治汗下後。病仍不解煩燥。

白 茯苓四兩

人 參

附 子一兩

甘 草

乾 薑二兩

水煎五錢服。

吳茱萸湯。治少陰病吐利。手足逆冷。煩躁欲死者。

吳茱萸洗炒一升

人 參二兩

大棗生薑水煎五錢服。日二。

蘆根湯。治陽毒五六日以上。胸中煩熱。乾嘔躁悶。

蘆 根一兩

甘 草

知 母

柴 胡

括 蕒根兩半

片 芩兩半

生 薑

水煎三錢溫服。

梔子豉湯 治陽明病脈浮而緊。咽燥口苦。腹滿而喘。汗出不惡寒反惡熱。身重。若發汗則躁。心憤憤而反譫語。若加溫針。必怵惕煩躁不得眠。若下之則胃中空虛。客氣動膈。心中懊懣。舌上胎者。

山 梔肥大者 豉五錢

水煎空心溫服。得吐便止。

桂甘龍牡湯 治火逆汗下之因燒針煩躁。

桂 枝一兩 甘 草 龍 骨

牡 蠣二兩

水煎五錢溫服。日二。

### 傷寒厥逆

論曰。傷寒病手足厥逆。其名曰厥。此因陽氣衰。陰氣盛。陰勝則陽脈逆而不通于四肢。所以逆冷。其症令人惡寒不飲水。下利清穀。或清便自調。或小便數。外症默靜。是其候也。宜溫之灸之。若灸而手足不溫者為難治。然厥亦有熱者。先發熱而後厥。熱深厥亦深。熱微厥亦微。脈雖沉伏。按之當滑。若或畏熱飲水。或揚手擲足。

煩躁不得眠。大便秘。小便赤。外症昏憤者。雖厥不可溫也。宜下之。  
通脈四逆湯 治手足厥冷微喘。脈不出。

附子五錢

人參

甘草一兩

乾薑兩半

水煎五錢溫服。日二。

當歸四逆湯 治傷寒手足厥冷。脈細欲絕。

川歸

白芍

桂心一兩

細辛一兩

甘草

木通七錢

大棗水煎五錢溫服。日二。

芍藥湯 治下利清穀。內寒外熱。汗出而厥。腹痛兼嘔。

白芍

附子一兩

人參

甘草五錢

薑水煎五錢溫服。日二。

吳茱萸湯 治手足厥冷。脈細欲絕。

吳萸

白芍

川歸

桂心一兩

甘草

細辛三分

乾薑五錢

棗水煎五錢服。日二。

葱熨法。治傷寒病後。氣虛陽脫。體冷無脈。氣息欲絕。不省人事。及陰厥服百法不效者。

葱一斤水  
洗淨

以麻縷扎如盞許大。切去根及葉。惟存白二寸許。如大餅餃。先以火熾一面令通熱。乃以熱處放在病人臍中。連臍下。其葱上以熨斗滿貯火熨之。令葱餅中熱氣透入肌肉中。須預作三四箇餅子。一餅壞不可熨。又易一餅。良久病人漸醒。手足俱溫。有汗出。更服四逆湯以溫其內。其病即差。

### 傷寒頭痛

論曰。傷寒頭痛者。邪氣循陽脈上攻于頭也。是以傷寒傷風。溫病熱病。風溫病。皆有頭痛病者。蓋頭痛乃陽症也。故太陽頭痛必發熱惡寒。陽明頭痛不惡寒。反惡熱。少陽頭痛脈弦細而發熱。至于三陰脈從足至胸。皆不至頭。惟厥陰脈挾胃屬肝絡膽循喉嚨上頰額。連目系。上出額。故仲景止有厥陰頭痛一症。治以吳茱萸

湯是也。

桂枝湯 治太陽病頭痛發熱。汗出惡風。

桂枝

白芍三兩

甘草炙二兩

生薑大棗水煎五錢。空心溫服。投以熱粥助藥力。

小承氣湯 治傷寒六七日不大便。頭痛有熱。

大黃四兩

枳實二兩

枳實三枚

水煎五錢溫服。

麻黃湯 治傷寒太陽頭痛發熱。身疼腰痛。一身骨節俱痛。惡風無汗而喘者。

麻黃三兩

桂枝二兩

甘草

杏仁去皮尖

水煎五錢。稍熱服。取汗。

連鬚葱白湯 治傷寒已發汗。或未發汗。頭痛如破。

葱白連鬚

生薑二兩

分三服。水煎通口熱服。服不差。用葛根葱白湯。

葛根葱白湯 治頭痛不止。

葛根

白芍

知母五錢

川芎三分

薑蔥水煎五錢。溫服。

小柴胡湯 治脈弦細。頭疼發熱。屬少陽。少陽不可汗。

柴胡二兩

片苓

人參

甘草三分

半夏六錢

薑棗水煎五錢。空心溫服。日二。

吳茱萸湯 治傷寒厥陰乾嘔吐涎沫。頭痛。

吳茱萸三兩洗炒 人參兩半

薑棗水煎五錢。空心溫服。

茶調散 治頭痛不止。

石膏研二 羌活

茵陳蒿

蒼朮

甘草 荆芥穗

川芎一兩

桂心五錢

共末用臘茶末一錢。同葱煎湯下一錢。

石膏湯 治頭痛不可忍。



石膏

麻黃一兩

葛根三分

何首烏五錢

水煎三錢溫服。日二。

瓜蒂散 治頭痛胸滿發熱惡寒脈緊而不大是膈上有涎。

瓜蒂一兩

為末熱水下一錢吐痰涎愈。

前胡湯 治頭痛壯熱。

前胡

半夏

桂心

玄參

甘草

桔梗炒

旋復花

片苓

生地一兩

薑水煎五錢服。

四白散 治頭痛身熱百節疼痛。

白芷

白附子

白僵蠶炒

白蒺藜等分各

共末茶酒任下二錢。

傷寒喘

論曰。傷寒喘。其症不一。有邪氣在表。表未解無汗而喘者。有邪氣在裏。汗出不惡寒。腹滿而喘者。有潮熱者。有心下有水氣而喘者。古人亦各求其本。故在表者當汗。在裏者宜下。至于心下有水而喘。又當利其小便。若乃陰症發喘。是為無陽。非灸之不可。

小青龍加杏仁去麻黃湯 治心下有水氣。咳而發喘。

白芍

甘草

桂心

杏仁

五味

細辛

乾薑三兩

半夏二兩

水煎五錢服。

麻杏草膏湯 治下後不可更行桂枝湯。汗出而喘。無大熱。

麻黃

去根節 四兩

石膏八兩

甘草三兩

杏仁去尖 五枚

水煎五錢服。

麻黃湯 治太陽與陽明合病。喘而胸滿不可下。

麻黃三兩

桂心二兩

甘草一兩

杏仁七十枚

水煎五錢溫服。取微汗。

大承氣湯 治傷寒陽明病。脈遲。雖汗出。不惡寒。其身必重。短氣。腹滿而喘。有潮熱者。此外欲解。可攻裏也。手足濇然汗出者。此大便已硬也。大承氣主之。若汗多。微發熱。惡寒者。外未解也。其熱不潮。未可與承氣湯。若腹大滿不通者。可與小承氣湯。微和胃氣。勿令至大泄下。

大承氣湯方詳譚語。

### 傷寒上氣

論曰。傷寒上氣者。肺主氣。手太陰是其經也。病人肺氣凡有不調。又遇寒熱邪氣。傷于其經。則脹而氣逆不下。故令上氣。

竹茹湯 治上氣喘滿。客氣在臍。乾嘔。口生瘡。不得飲食。

竹茹

葛根一兩

半夏

麥冬三分

甘草

陳皮去白炒五錢

薑水煎五錢溫服。日二。

天門冬丸 治心肺熱上氣喘逆。

天冬

白茯苓

杏仁一兩

生地

貝母

甘草

烏梅肉炒

人參五錢

共末。蜜丸。彈子大。含化一丸。日可三五。

葶藶湯

治上氣喘粗。身面腫。小便澀。

葶

藶隔紙微炒五錢

大棗五枚去核

水煎溫服。日二。

貝母丸 治心肺有熱。咳嗽上氣。喉中作聲。痰涕口乾。

川貝母二兩

杏仁去皮尖炒四兩 天門冬一兩

炙甘草三分

旋復花五錢

共末。蜜丸。彈子大。食後含化一丸。

### 傷寒咳嗽

論曰。傷寒咳嗽者。寒氣客于肺也。肺受虛寒。微則咳嗽。然又有邪熱客于上焦。其人必欲飲水。水停心下。水氣乘肺而咳嗽者。當熟察之。

麻黃湯 治咳嗽日夜不止。

麻黃去根

赤茯苓

桑白皮一兩

葛根

五味子

紫蘇葉

炙甘草

紫苑五錢

石膏研兩

桂心一兩

葶藶炒一

薑棗水煎五錢。空心溫服。日二。

小青龍湯 治心下有水氣。咳而微喘發熱。或利或噎。

麻黃去根節

白芍

半夏薑汁

桂心

細辛

炒乾薑

五味子炒

甘草五錢

水煎五錢服。日二。

五味子飲 治傷寒咳嗽。

五味子炒

麻黃去根

阿膠

陳皮炒一

甘草

杏仁炒去皮尖

薑水煎三錢服。

加減小柴胡湯 治傷寒五六日。往來寒熱。或微熱咳嗽。

柴胡二兩

片苓

半夏

甘草三分

黑乾薑五錢

五味子炒一

薑水煎五錢服。

地黃飲 治熱毒攻肺咳嗽。咽喉生瘡。

生地二兩

大黃

升麻

貝母

麥冬

甘草一兩

水煎三錢。入蜜少許服。

射干湯 治春冬月傷寒。夏秋月中冷。咳嗽喉鳴。聲啞乾噦。咽喉不利。

射干

杏仁

麻黃

桑皮一兩

半夏

甘草

桔梗炒二

陳皮

紫苑五錢

薑棗水煎五錢服。

前胡飲 治肺寒盛。痰嗽不止。心膈煩滿。不能飲食。常多嘔逆。

前胡

桔梗

玄參

人參

柴胡二兩

片苓

半夏

甘草三分

黑乾薑五錢

五味子合炒一

薑水煎五錢服。

地黃飲

治熱毒攻肺咳嗽。咽喉生瘡。

生地二兩

大黃

升麻

貝母

麥冬

甘草一兩

水煎三錢。入蜜少許服。

射干湯

治春冬月傷寒。夏秋月中冷。咳嗽喉鳴。聲啞乾噦。咽喉不利。

射干

杏仁

麻黃

桑皮一兩

半夏

甘草

桔梗兩炒二

陳皮

紫苑五錢

薑棗水煎五錢服。

前胡飲

治肺寒盛。痰嗽不止。心膈煩滿。不能飲食。常多嘔逆。

前胡

桔梗

玄參

人參

生地  
半夏

薑水煎五錢服。

甘草  
紫朴各一兩

旋復花

桂心



聖濟總錄纂要 卷三 傷寒門 傷寒咳嗽

聖濟總錄纂要

清

新安

程

林雲來纂輯

鄞縣

曹炳章赤電校點

卷四

傷寒門

傷寒乾嘔

論曰。傷寒乾嘔者。嘔而無所出也。此因邪熱在胃。或汗解後胃中不和。尙有蓄熱。氣熏上焦。心中痞結。故令乾嘔。且諸邪氣在胃。胃氣上逆。皆發爲嘔。冷卽寒痰凝結。嘔出涎沫。熱卽津液消燦。獨其氣逆。故乾嘔不已。施治者不可不察。

竹茹湯

治胃氣虛熱。乾嘔不止。

竹茹

半夏

甘草五錢

人參

蘆根一兩

前胡

葛根三分

薑水煎五錢服。

蘆根湯 治心脾虛熱。乾嘔煩熱。不下食。

蘆根二兩

人參

赤茯苓

竹茹一兩

甘草五錢

水煎五錢。入小麥一撮。薑一分。溫服。日二。

枇杷葉湯 治乾嘔煩渴不止。

枇杷葉去毛炙

麥冬

人參

葛根三分

白茯苓五錢

甘草炙一分

薑水煎三錢服。

人參煮散 治胃氣虛冷。乾嘔不止。

人參一兩

白朮

白芍三分

杏仁

陳皮

枳殼

高良薑

甘草

乾薑五錢

薑棗水煎三錢。稍熱服。相繼三服。以熱稀粥投之。以助藥力。汗出乃差。  
白朮飲 治邪熱雖退。胃中不和。乾嘔不已。甚則吐逆。

白朮

薑根

紫朴一兩

枇杷葉去毛炙五錢

薑水煎三錢。空心溫服。日二。

### 傷寒嘔噦

論曰。傷寒嘔噦者。病在足陽明胃經也。足陽明之脈。厥而上行。令人氣逆。氣逆故嘔噦。仲景云。嘔多雖有陽明症。慎不可下。蓋爲此也。又傷寒嘔噦。有因熱壅胸中邪氣之高所致。有因吐下後虛熱在內。及飲水停積所致。症既不同。治亦有異。不可不察。

半夏湯 治胃氣逆冷。食已嘔噦。即欲吐。

半夏

白茯苓一兩

人參

枳殼五錢

白朮炒兩

薑水煎三錢。溫服。日三服。

人參湯 治服冷藥過多。胃寒嘔噦。不下食。

人參

白朮

附子

白茯苓

陳皮一兩

桂心

乾薑五錢

丁香一分

薑水粳米煎五錢服。

藿香人參湯 治嘔噦不止。胸滿煩悶。

藿香三分

人參一兩

甘草

陳皮五錢

薑水煎三錢服。日二。

通正散 治噦逆嘔吐。虛氣妄行。

丁香

乾柿蒂一兩

蓮肉五十枚

共末。酒下二錢。

四逆加薑湯 治少陰症嘔噦。

甘草一兩

附子

生薑兩半

乾薑三分

水煎五錢溫服。

傷寒心悸

論曰。傷寒心下悸者。謂悸動不定也。傷寒飲水過多。水停心下。腎氣乘心。則心虛氣弱。故爲之悸動。皆由發汗後又下之。津液燥少。若內生虛熱。熱則飲水。水氣停積。故必振寒而心下悸也。

茯苓甘草湯 治傷寒厥逆心下悸。先治其水。服此湯却治其厥。不爾水漬入胃。必作利。

赤 茯

甘 草

桂 心 一兩

薑棗水煎五錢溫服。日二。

桂枝甘草湯 治發汗過多。其人叉手自冒心。心下悸。欲按者。

桂 枝 四兩

甘 草 三兩

水煎五錢溫服。日二。

甘草湯 治脈結心悸。

甘 草

麥 冬 一兩

生 地 四兩

人 參

桂 心 五錢

麻 仁 一合

薑棗酒水煎五錢去滓。入阿膠一片。令烊盡溫服。日二。

桂枝湯 治水在心下。心悸動欲得人按。

桂枝二兩

赤茯苓半

白朮一兩

甘草

陳皮法白炒五錢

生薑水煎五錢。空心溫服。日二。

### 傷寒痞滿

論曰。傷寒病發于陰。醫誤下之。邪氣入裏。胃中虛。客氣上逆。心下滿不痛。按之不堅。此爲痞也。法宜瀉心。唯表未解者。未可攻之。當先解表。然後攻痞。若表解而裏未和。或瀉心而痞不解。其人口燥煩渴。皆隨症處治。其眩冒而經脈動惕者。久則成痿。若表裏俱虛之人。有氣痞。陰陽氣并竭。無陽則陰獨。復加火針。因胸煩。面青黃。膚潤者難治。其脈微浮。而氣上衝咽喉。不能息者非痞。乃有寒在胸中故也。治屬吐法。

半夏瀉心湯 治心下痞。但滿不痛者。

半夏一兩

乾薑

人參二兩

片苓

川連

甘草五錢

大棗水煎五錢。食後服。日二。

大黃黃連瀉心湯。治傷寒大下之後。復發汗。心下痞。惡寒者。表未解也。不可攻痞。當先解表。表解乃攻痞。解表宜桂枝湯。攻痞宜此湯。

大黃二兩

川連一兩

以麻黃沸湯漬三錢。須臾絞取汁。溫服。一方有片芩一兩。

瀉心湯。治傷寒汗解後。胃中不和。心下痞硬。噫食臭。脇下有水氣。腹中雷鳴下利。

人參

甘草三分

川連

乾薑一兩

片芩一兩

半夏薑汁炒

薑棗水煎四錢。空心溫服。晚又服。

甘草瀉心湯。治傷寒中風。醫反下之。其人下利。日數十行。完穀不化。腹中雷鳴。心下痞硬而滿。乾嘔。心煩不得安。醫見心下痞。謂病不盡。復下之。其痞益甚。此非結熱。但以胃中虛。客氣上逆。故使硬也。



炙甘草 四兩

片 苓

乾 薑 三兩

半 夏 薑汁炒  
二兩半

川 連 一兩

水煎四錢。大棗二枚。溫服。

旋復代赭湯 治發汗若吐下後。心下痞硬。噫氣不除。

旋復花 三兩

代赭石 一兩

人 參

半 夏

甘 草 二兩

薑棗水煎四錢。溫服。日二。

蘇橘湯 治胸中痞滿。心腹氣滯。不思飲食。

紫蘇葉

大腹皮

旋復花 一兩

陳 皮 二兩

赤 茯苓 半

半 夏 五錢

薑棗水煎五錢。溫服。

異效丸 治五六日大下後。心中痞滿。氣息喘逆欲絕。

人 參

白 朮

甘 草

枳 殼

赤 茯苓

括 蕪

陳 皮 炒

木 香 五錢

乾薑三分

共末。蜜丸。桐子大。空心米飲下二十丸。至晚再加至三十丸。

草豆蔻湯 治傷寒汗後。胃氣不和。心下結痞。噫氣食臭。脇下虛滿。腸鳴下利。

草蔻

陳皮

枳殼五錢

人參

半夏

甘草

乾薑三分

薑棗水煎五錢溫服。日二。

### 傷寒霍亂

論曰。嘔吐而利。病名霍亂。此由邪氣在中焦。使陰陽二氣不能升降。則心腹絞痛。而作吐利。其候心先痛則先吐。腹先痛則先利。心腹俱痛。則吐利並作。古人以其病迅暴。揮霍之間。便致撩亂。故名霍亂。傷寒霍亂。亦由中焦陰陽不和所致。故其狀有熱而渴者。有寒而不渴者。有發熱惡寒。汗出厥逆者。有病勢已。而身體疼痛不休者。不可概以一法治。理中湯 治霍亂吐利寒多。不喜飲水。

人參

白朮

甘草

乾薑二兩

共末。蜜丸彈子大。沸湯化一丸溫服。日三夜二。

五苓散 治霍亂頭痛發熱。多欲飲水。

猪苓

白朮三分

桂心五錢

赤茯苓

澤瀉一兩

共末。溫水空心下二錢。日二。

蘆根人參湯 治霍亂心煩乾嘔。

蘆根二兩

人參

麥冬

赤茯苓一兩

枇杷葉去毛炙一分

水煎五錢。入薤白三寸。溫服。日三。

藿香湯 治霍亂轉筋。嘔吐不止。

藿香

人參

附子

木瓜

桂心

川歸二兩

生薑水煎三錢溫服。日二。

吳茱萸湯 治霍亂吐利。腹脹轉筋。手足冷。飲食不消。

吳茱萸

紫朴一兩

桂心

丁香

木瓜

甘草

藿香五錢

人參三分

薑水煎三錢服。日二。

白朮湯 治霍亂吐利轉筋。

白朮

陳皮一兩

木瓜二兩

薑水煎三錢溫服。日二。

### 傷寒小便不通

論曰。傷寒小便不通者。或因發汗過多。津液虛少。胃中乾燥。或小腸有伏熱。氣道不宣。皆令小便不通也。方論云。胃中乾則無小便。慎不可利。蓋言汗後亡津液也。若下焦有熱而小便不利。又當隨症利之。

赤茯苓 治下焦有熱小便不通。

赤茯苓

木通

滑石

車前子一兩

水煎五錢溫服。日二。

猪苓湯 治脈浮發熱渴欲飲水小便不利。

猪苓

赤茯苓

滑石

澤瀉一兩

水煎五錢去渣。入阿膠末一錢。再沸溫服。日二。

五苓散 治傷寒汗後小便不利微熱消渴。

猪苓

赤茯苓

白朮三兩

桂心五錢

澤瀉 瀉一兩

共末。水下三錢。

雞蘇湯 治小腹急痛小便不利。

雞蘇一把

木通

滑石

杏仁去皮

冬葵子

石葦去毛

生地二兩

水煎五錢溫服。

傷寒大便不通

論曰。傷寒大便不通者。胃腑實也。因太陽病若汗若下。若利小便。亡其津液。胃中乾燥。因轉屬陽明。不更衣內實大便難。此陽明症也。當下之。然有陽明症不可下者。當問其小便日幾行。若本小便日三四行。今日再行。故知大便不久出。爲小便數少。津液當還胃中。故知不久當大便。如此則傷寒嘔多。雖有陽明症。不可下明矣。凡胃中有燥屎。常以湯水和之。湯入腹中轉失氣者。此所謂有結燥。下之無害。若不轉失氣者。此但初硬後必溏。不可下。下之則脹滿不能食也。

小承氣湯

治陽明病潮熱。若不大便六七日。恐有燥屎。欲知之法。少與小承氣

湯。湯入腹中轉失氣者。有燥屎也。乃可攻之。若不轉失氣者。但初頭硬後必溏。不可攻。攻之必腹脹不能食也。欲飲水者。與水則噦。其後發熱者。必大便硬而少也。以小承氣和之。

大

黃酒洗四兩

紫

朴薑汁炒二兩

枳

殼三枚炒

水煎五錢溫服。當更衣。不爾者再服。更衣者勿服。服後若不轉失氣者。不可攻。大承氣湯。治傷寒病不大便五六日。繞臍痛。煩躁。發作有時。此爲有燥屎。宜此湯。

大黃酒洗 紫朴薑炒 枳實炒

水煎五錢去渣入芒硝一錢數沸溫服。仲景云少陰病六七日不大便者。此

湯主之。

麻仁丸 治傷寒跌陽脈浮而濇。浮則胃氣強。濇則小便數。浮濇相搏。大便則硬。

其脾為約。

麻仁半升 白芍炒 紫朴薑汁 枳實炒

杏仁炒 大黃炒

共末。蜜丸桐子大。飲下十丸。日三。

蜜膽導 治大便秘澀。服藥不通。

白蜜三合 雄豬膽一枚 膩粉研半

先將蜜入銅器中。微火慢熬二十沸。入膽汁。將杵子不住手攪。慢煎成膏。入膩粉。和丸如棗核大。以薄綿包。內下部中。未通再用。

傷寒下利

論曰。傷寒下利者。其種固多端。然皆由表實裏虛。寒熱溼氣乘虛。客搏于腸胃之間。故腸胃隨其所傷而下。若傷寒則下青白。傷熱則下黃赤。寒熱相雜。則赤白俱下。若兼以溼毒。則又下膿血如魚腦。如爛肉也。其候不同。有下利而脈虛者。有利而脈實者。有濕毒勝而腹痛者。有熱氣盛而煩渴者。有津液搏滯而腸垢者。有屎燥結聚而妄言譫語者。其要在審別虛實以治之。

白頭翁湯 治傷寒下利飲水者。內有熱也。及熱利後重。

白頭翁 五錢

川連

川柏

陳皮

三分

水煎五錢空心服。日二。

桃花湯 治傷寒少陰病。二三日。至四五日。腹痛小便不利。下利不止。及便膿血。

赤石脂

四兩 一兩 半研

糯米

二合

乾薑

一分

水一升。煎薑米。并不研石脂。候米熟。用汁一小鍾。入石脂末一錢。再沸溫服。日

三。

四逆湯 治自利不渴者。屬太陰。以其臟有寒故也。當溫之。

炙甘草 一兩

附子 五錢

乾薑

炒三分



水煎五錢溫服。

又治傷寒後下利清穀不止。身疼痛急。當救裏。

犀角湯 治熱毒不解。日晡壯熱腹痛。純下鮮血。

犀角

片 芩

川 連

苦 根

地 榆一兩

山 梔五錢

水煎五錢。入薤白五寸。溫服。

黃柏湯 治下痢膿血。

川 柏

阿 膠五錢

川 連一兩

山 梔一分

水煎三錢。食前服。日二。

龍骨丸 治臟腑虛冷。下白膿腹痛。

龍 骨

乾 薑

附 子一兩

共末。醋糊丸。桐子大。米飲下三十丸。日二。

竹茹湯 治利下血不止。

竹 茹

白 芍

子 芩五錢

木 通三分

升麻

黑木耳燒灰兩半

水煎三錢去渣。入生地汁一合。溫服。

### 傷寒陰毒

論曰。陰氣獨盛。陽氣暴衰。陽為陰所勝。內外皆陰。故成陰毒傷寒。有初得病便成陰毒者。有服藥經五六日不差。變成陰毒者。以病本屬陰。因服寒藥過多。或臟腑內外受寒。陰氣轉盛。陽氣不復所致。其候四肢逆冷。臍腹築痛。身如被擊。嘔吐下利。其脈微細而疾。

陰毒甘草湯 治傷寒初病一二日。便結成陰毒。或服藥後自變成陰毒。身重背強。腹中絞痛。咽喉不利。毒氣攻心。心下堅強。短氣不得息。嘔逆。唇青面黑。四肢厥冷。其脈沉細。身如被杖。五六日可治。至七日不可治。

甘草

升麻

桂心

川歸五錢

川椒

雄黃一分

鼈甲炙兩半

水煎五錢。溫服。日二。

氣壅喘悶方 治陰毒手足厥冷。或生斑點。

附子二枚火燒黑  
出火毒

為末。用沉香磨水。米飲下二錢。

正陽湯 治傷寒陰毒。唇青面黑。張口出氣。心下硬。身不熱。額上出汗。煩渴不止。舌黑多睡。四肢逆冷。

附子

甘草

乾薑一兩

皂

莢子一枚去皮  
炙黃

麝香一錢  
研

共末。水煎二錢。稍熱服。

正陽丹 治陰毒手足厥冷。脈沉細。面目青。

硫黃

硝石

太陰玄精石一兩

同研入瓶內。鹽泥封固。陰乾。火煨赤。細研。酒煮糊丸。桐子大。酒下二十九。

附子回陽散 治傷寒陰毒。面青唇黑。四肢逆冷。臍腹痛。身體如冰。并一切卒暴

冷氣。

附子二枚

爲末。用生薑自然汁半鍾。冷酒拌勻。下三錢。更以冷酒送下。相次再服。良久臍下如火。徧身和煖爲度。

### 傷寒、陽毒

論曰。陽氣獨盛。陰氣暴衰。陰爲陽所勝。內外皆陽。故名爲陽毒。傷寒有得病便成陽毒者。有服藥經五六日不差。變成陽毒者。蓋以病本屬陽。或以火劫發其汗。或因灸炷。陽氣轉盛。陰氣內消所致。其候面赤發躁。狂走妄言。或發斑如錦紋。或咽喉疼痛。或涕吐膿血。或下痢黃赤。其脈洪實滑促。是其證也。

升麻湯 治傷寒一二日。便成陽毒。或服藥吐下後。變成陽毒。腰背疼痛。煩悶不安。面赤狂言。或見鬼神。或下痢。脈浮大數。面赤斑紋如錦。咽喉痛。吐膿血。五日可治。七日不可治。

升麻

犀角

射干

人參

片苓

甘草一兩

水煎五錢。溫服。少頃又服取汗。未汗再服。

梔子湯 治陽毒壯熱。百節疼痛。

梔子

赤芍

大青

知母一兩

石膏

片苓

杏仁炒二

甘草五錢

柴胡兩半

薑棗水煎四錢。入豉百粒服。

黑奴丸 治傷寒時行熱病。六七日未得汗。脈洪大。或面赤目脹。身大熱煩躁。狂

言欲走。渴甚。又五六日以上不解。熱在胸中。口噤不能言。心下尚暖。瀦藥下咽

即活。兼治陽毒及發狂。

麥奴 山麥未熟時中有不成者。上有黑衣。勃取。下即名麥奴。一兩。

麻黃 去根節

大黃二兩

片苓

芒硝

釜底煤

竈突煤

梁上塵 各一

共末。蜜丸。彈子大。取新汲水。化下一丸。渴者與冷水。盡量飲之。須臾當寒。寒過汗出。即差。若服藥日移五尺不汗。再服一丸。差即止。須微利下。此藥須病人大渴。倍常燥盛者。乃可與之。不爾不可與。

大青湯 治陽毒煩躁不解。或下利危困。

大青二兩 犀角 山梔 甘草

川連五錢 秦艽一兩

水煎五錢。入豉百粒。薤白七寸。空心服。

犀角湯 治傷寒陽毒初得身大熱目赤便黃。心悶頭痛。煩渴不止。四肢疼痛。語

言錯亂。眠臥多驚。

犀角一兩 赤茯苓 陳皮 甘草

麻黃 細辛 茵陳蒿五錢 人參三分

薑棗水煎五錢服。

### 傷寒發斑

論曰。傷寒發斑者。陽盛故也。其病在表。或未經發汗。或已經發汗未解。或吐下後邪熱不除。毒氣內盛。因表虛熱毒乘虛出于皮膚。發為斑疹如錦紋。若色赤發在五六日內者可治。色黑過七日乃發者難治。甚則身體喉舌皆成瘡也。

黃芩湯 治傷寒熱病。十日內未得汗。表裏有熱。遂發斑點。時或狂言。目色黃。心中煩熱。大便不利。

片 芩

大 青

大 黃

升 麻

朴 硝

山 梔一兩

茵陳蒿一兩

川 連

甘 草五錢

竹葉三七片。水煎五錢服。

石膏湯 治發黑斑。

石 膏二兩

麻 黃

葛 根一兩

川 連三分

故 鞋一隻去

川 椒炒一

桂 心五錢

水煎五錢。溫服取汗。

傷寒發黃

論曰。傷寒發黃之狀。身體盡變黑黃。或如橘色是也。凡陽明中風。太陽中溼。皆令人發黃。蓋由得病無汗。小便不利。寒溼不散。則熱結脾胃。腠理閉塞。瘀熱之氣。與

宿穀相搏而鬱蒸。不能消散。故二便結澀不通。令人身體面目皆變黃色。其病腹滿身疼發熱。若其人小腹滿急。眼澀疼。鼻骨痛。兩膊及項強。腰背急者是也。但得下便快利漸愈。仍不用大便秘。即令人心脹。又有急黃者。身體黃甚。卒然而發。心滿氣喘。命在須臾。故名急黃。有初得病便黃者。初不知是黃。死後方變黃者。此病亦因脾胃瘀熱。本天行時氣所作。宜細辨之。但發熱心戰者。乃是發黃之候。茵陳蒿湯。治陽明發熱汗出。此為越熱不得發黃也。但頭汗出。小便不利。渴飲水漿。此為瘀熱在裏。身必發黃。下之宜此湯。又傷寒七八日。身黃如橘皮。小便不利。腹微滿者。宜此湯。

茵陳蒿 六兩  
梔 子 枚十四  
大 黃 兩生三

共為粗末。水煎五錢。三服後。小便當利。下如皂莢汁狀。乃愈。

麻黃連翹湯 治瘀熱在裏發黃。

麻 黃 去根節 二兩  
連 翹  
生 薑 兩焙二  
杏 仁 四十枚去  
生梓白皮 東引 一升  
大 棗 枚十二  
甘 草 一兩

水煎五錢熱服。



梔子柏皮湯 治傷寒身黃發熱。

梔子十五枚炒 黃柏二兩 甘草一兩

水煎三錢。

抵當湯 治傷寒太陽身黃。脈沉細。小腹痛。小便利者。為無血也。小便自利。其人

如狂者。血證諦也。

水蛭三十枚炒 蟲三十枚炒 桃仁十枚炒 大黃二兩

水煎三錢服。

龍膽湯 治發黃煩熱。皮肉皆黃。小便赤。不利。

龍膽 枳殼 山梔 木通

知母 柴胡 地骨皮 白芍

甘草 麥冬 升麻 羚羊角一兩

水煎五錢。

黃芩湯 治傷寒發黃。或先服利藥未差。宜以內消。以折熱氣。

片芩 茵陳蒿 升麻 犀角一兩

山 梔 柴 胡

龍膽草五錢

水煎五錢。入生地汁一合。

茅根湯 治傷寒發黃。通身如金色。

茅 根 山 梔 甘 草

茵陳蒿

地骨皮一兩

薑水煎五錢。入豉三七粒。熱服。

梔子湯 治傷寒急黃。

山 梔 柴 胡 朴 硝另研

茵陳蒿五錢

水三大鍾。煎二大鍾。去渣入硝。分三服。取利。

茵陳蒿散 治傷寒時氣。急黃疼痛。

茵陳蒿 片 苓 梔 子 大 青一兩

大 黃 朴 硝三兩 白 蘚 皮 葛 根

升 麻兩半

共末。新汲水下二錢。得利差。



### 傷寒發豌豆瘡

論曰。傷寒熱毒內盛。多發胞瘡者。以病人表虛裏實故也。裏實則毒氣不能內消。表虛故乘虛發於肌肉而成瘡。其瘡大小形如豌豆。其色或白或赤。若頭作癩漿。戴白膿者。其毒則輕。若紫黑色作根。隱隱在肌肉裏者。其毒則重。甚者周匝徧身。五內七竅皆有也。

參麻湯 治傷寒熱病生豌豆瘡并胞瘡。煩悶昏迷。

玄參

升麻

乾藍葉一兩

甘草三分

犀角錢五

水煎五錢。入葱白三寸。豉一撮。熱服。日二。

豌豆瘡四邊赤腫

胡荽一把

生地

二味搗取汁。空心服盞許。

犀角湯 治傷寒熱毒氣盛。瘡如豌豆。

犀角二兩

麻黃

川連兩半

木香一兩

水煎五錢。日二。

內消散。治傷寒熱病。欲生斑瘡。毒未出。令不成。

京墨燒去烟一分

用酒三合。磨令頓服。

紫草湯。治傷寒斑疹豆瘡。

紫草惡實

荆芥穗一兩

水煎三錢熱服。日二。

### 傷寒發狂

論曰。重陽者狂。謂陽氣獨盛也。傷寒熱毒既盛。內外皆熱。則陽憤嗔而發為狂越。使人狂走妄言。或罵詈不避親疎。或妄見妄聞。棄衣而走。登高而歌。或數日不食。踰垣上屋。蓋四肢諸陽之本。熱盛而四肢實。是為重陽。故所上之處。皆非素所能。而病乃能也。若乃因火為邪。而發為驚狂。及內有瘀血。而外症如狂。其為病雖不

同。然其為陽氣有餘則一也。

犀角湯 治傷寒十數日頭戰掉。大汗出。恍惚狂走。眼見鬼神。

犀角

山梔五錢

白芍

生地

麥冬

茯神一兩

茵陳蒿三分

水煎五錢。入竹葉二十一片。食後服。

羚羊角湯 治汗後熱毒未盡。因有所驚。狂言欲走。

羚羊角

犀角

防風

片苓

升麻

玄參

茯神五錢

龍齒

甘草一兩

人參

竹茹

骨皮三分

水煎五錢。

抵當湯 治太陰病六七日。表症仍在。脈微沉。反不結胸。其人發狂者。以熱在下

也。焦少腹當滿。小便自利者。下血乃愈。所以然者。以太陽過經盡。而瘀熱在裏故

水蛭十枚

蟲十枚去

大黃酒浸炒

桃仁七枚

水煎五錢服。當下瘀血。不下再服。

絳雪丸 治傷寒發狂眼赤。二便血出。身如金色。兼治六七日狂躁發熱。

硝石一兩 丹砂一分

研細粟米飯丸。彈子大。砂糖冷水下一丸。服藥後便睡。移時汗出為效。

### 傷寒剛瘧

論曰。傷寒病發汗過多。因致瘧。其狀令人搖頭發熱。頸項強急。惡寒。背反張。瘰癧口噤。謂之剛瘧者。特以無汗而反惡寒故也。

葛根湯 治傷寒太陽病無汗。小便反少。氣上衝胸。口噤搖頭。欲作剛瘧。

葛根四兩

白芍

麻

黃去根節二兩

甘草

桂心二兩

薑棗水煎。五錢熱服。取微汗。

大承氣湯 治傷寒剛瘧。胸滿口噤。臥不着蓆。脚攣急。必齮齒。

大黃四兩

枳實一枚

紫

朴五錢

水煎五錢去渣。入芒硝五分。二沸服。

羚羊升麻湯 治傷寒剛瘧。仰目壯熱。筋脈不舒。牙關緊急。不欲見食。

羚羊

升麻

白鮮皮

龍齒五錢

木通

百合

防風一分

石膏一兩

水煎五錢。入豉百粒。葱白五寸。

小續命湯 治傷寒剛瘧。無汗惡寒。口噤背強。

麻黃

桂心

甘草五錢

白芍

白朮

人參

川芎

附子

防己

防風一分

薑水煎五錢。日三夜二。

傷寒柔瘧

論曰。柔瘧之狀。搖頭發熱。頸項強急。腰身反張。或瘕癧口噤。與剛瘧同。然謂之柔瘧者。以其自汗不惡寒故也。瘧又謂之瘧者。蓋以瘧瘧一類。古人特以強直名之。

桂枝加葛根湯 治傷寒柔痙。項背強几几。反汗出惡風。

桂枝二兩

葛根四兩

麻黃

白芍三兩

甘草二兩

薑棗水煎五錢。取汗。

桂朮湯 治傷寒柔痙。手足厥冷筋急。汗不止。

桂心一兩

白朮

人參

附子三分

甘草

防風

乾薑五錢

水煎五錢。日二。

五味子湯 治柔痙汗出。身體強直。手足多寒。

五味兩妙一

木香

附子

檳榔三兩

白朮

甘草

乾薑

桂心五錢

水煎五錢。日二。

柴胡飲 治柔痙四肢逆。冷汗不止。腹中痛。筋脈急。

柴胡

赤茯苓三分

桂心

良薑一分



檳榔煨

五味子錢五

水煎五錢服。

### 傷寒壞病

論曰。傷寒太陽病三日。已發汗吐下溫針。仍不解者。多變為壞病。又陽病轉入少陽。已吐下發汗。少陽症罷。此為壞症。知犯何逆。以法治之。此由傷寒病在諸經絡。發汗吐下。而病症不除。又感異氣。有寒暑燥溼風不同。病亦隨變。故謂之壞病。又有傷寒過經。再受邪熱。留蓄臟腑。病候多變者。及傷寒解後。虛羸少氣。餘症未除者。皆謂之壞病。

知母麻黃湯 治傷寒壞病差後。或十日二十日。終不惺惺。精神昏。語言亂。又無寒熱。醫作鬼祟。或作風病。多端治藥弗效。或朝夕潮熱頰赤。或似瘧。由發汗未盡。餘毒在心包絡間所致。

知母兩半

白芍

麻黃

甘草

片芩

桂心五錢  
暑

水煎五錢。半日內可相次三服取汗。未汗再服。若心煩不眠。欲飲水者。稍稍與之。令胃中和即愈。

黑奴丸 治壞病頭與骨肉俱疼。狂言妄語。醫所不治。

麻黃 片苓 甘草 芒硝

灶突墨一兩 豉炒一

共末。蜜丸。彈子大。新汲水下一丸。考此丸與陽毒黑奴丸不同

麥冬湯 治傷寒壞病。經久不差。潮熱不退。身體沉重。昏憤煩悶。

麥冬 赤茯苓 甘草 鼈甲醋炙

水煎三錢。入烏梅肉一枚。小麥五十粒。溫服。日二。

### 傷寒狐惑

論曰。狐惑之病。初得狀似傷寒。或因傷寒而變。皆蟲症也。蟲蝕其喉為狐。使人聲啞。蟲蝕其下部為惑。使人咽乾。其候皆默默。欲眠不得臥。起居不得安。惡飲食。面目乍赤乍白乍黑是也。由傷寒病腹內熱。飲食少。肺胃空虛。而蟲為之不安。故隨

食上下部而病。名狐惑也。

赤小豆當歸散 治傷寒變成狐惑。脈數。無熱微煩。默默欲臥。汗出。得之三四日

眼赤。得之七八日。目四眇黑。能食者。膿已成也。

赤小豆一升 川歸一兩

共末。水煎三錢。溫服。日二。

黃芩湯 治傷寒不發汗。變成狐惑。脈數有熱微煩。二目赤。但欲眠睡。咽乾不能

食。

片芩 射干一兩 甘草 竹茹

知母 前胡五錢 川連炒三

水煎五錢。日二。

黃連犀角湯 治病後瘡出下部。

川連五錢 犀角一兩 木香一分 烏梅七枚

水煎三錢。日二。

木通湯 治傷寒陰陽不和。變成狐惑。目赤如鳩。面色斑紋如錦文。

木通一兩

甘草

桂心

細辛五錢

吳茱萸洗炒三兩

薑棗水煎五錢。葱白五寸。

雄黃導氣湯 治傷寒感狐下部蠹瘡。

雄黃研

青箱子

川連

苦參五錢

桃仁炒一分

共末。生艾汁和如棗大。綿裹導下部。篇蓄汁更好。冬月無艾。蓄用根。

擦膈湯 治傷寒狐惑病在上焦。

苦參一兩

甘草五錢

作一服。水煎五更服。良久即吐。

熏洗四皮湯 治狐惑攻下部。肛內生瘡。

槐白皮

柳白皮

桑白皮

桃白皮二兩

水煎四兩。熏洗下部。

檳榔丸 治未汗變狐惑。毒蝕肛門癢不止。下膿血。

檳榔

丹

砂五錢

麝

香一錢

杏

仁四十九枚炒

共末。用飴糖和。如棗核大。先用椿根、槐白皮各二兩。水煎洗肛門。將藥內之。

雄黃熏方 治狐惑蟲食下部。肛外如蠹。痛癢不止。

雄

黃研五錢

用瓶一箇。口稍大者。入灰半瓶。灰上放火。將黃末燒之。候煙出。坐瓶口上熏之。良。

### 傷寒百合

論曰。傷寒百合者。謂百脈一宗。悉致其病也。其狀欲食復不能食。常默默。欲得臥又不能臥。欲出行又不能行。食欲有時美。亦有時不美。如有寒。又如無寒。如有熱。又如無熱。口苦小便赤黃。得藥則吐利者是也。此由傷寒及大病後。臟腑俱虛。榮衛耗弱。不能平復。變成斯病。然以百脈一宗。悉致其病。又無復經絡。故其病症變異。治之各隨其症。

百合雞子湯 治傷寒病吐之後。

百合七枚

雞子黃一枚

水漬合一宿。更水煎去渣。入子黃攪服。

百合知母湯 治傷寒已經汗後。

百合七枚

知母一兩

水浸百合一宿。更水煎分二服。

百合滑石散 治傷寒變發熱。

百合一兩

滑石兩半

共末。空心飲下二錢。日二。

百合地黃湯 治傷寒不經汗吐下後。病形如初。

百合七枚

生地黃汁一鍾

水煮百合取汁。和生地汁溫服。中病勿更服。大便當如漆。

百合半夏湯 治傷寒病不差。不思食。欲成勞。

百合二錢

半夏

人參

赤茯苓

川連炒

知母一兩

生地兩半

薑水煎五錢。日二。

百合紫苑湯 治傷寒病似勞。形狀如瘧。

百合二兩

紫苑

柴胡

杏仁

白茯苓

半夏

甘草

薑水煎五錢。日二。

傷寒陰陽易

論曰。凡傷寒大病後。氣血未復。若房事太早。不特令病人勞復。因爾染易。男病傳女。女病傳男。由轉易然。故名陰陽易。其狀身體重。少氣。熱上衝胸。頭重不能舉。目昧。四肢拘急。若小腹急痛。力弱。著牀不能轉側。舉動憑人。不急治則死。或經歲月。漸至羸困亦死。

枳實湯 治傷寒勞復。陰陽易。

枳實

山梔一分

豉炒二

雄鼠糞十七炒

水煎二服。未效又服。

燒視散 治傷寒陰陽易身腫氣少小腹急陰中拘攣熱上衝胸頭重不欲舉眼目生花膝脛拘急。

女人中視

取對陰戶者水洗燒灰研末女人病取男人者

水服方寸匕日三服小便利陰頭腫愈。

立效湯 治陰陽易身重小腹裏急陰頭微腫。

韭 白一把

雄鼠糞二十七枚炒

水煎一日服汗出愈。

萎蕤湯 治陰陽易氣衝心胸頭重不舉。

萎 蕤一兩

木香

桂 心三分

荊芥穗五錢

雄鼠糞二十七枚炒

水煎五錢溫服日二。

二灰散 治傷寒陰陽易。

手足指甲用女大男病用男

視襠布水洗一片男病用女女病用男

燒灰研末分三服酒下。



犀角湯 治病未平。復陰陽易。壯熱頭痛。鼻出血。

犀角

竹茹

丹參

葛根 一兩

石膏 三兩

水煎五錢。日二。

### 傷寒衄血

論曰。傷寒衄血者。由熱氣蘊甚。血溢妄行。蓋心生血。肝藏之。肺主氣。鼻則通之。心肝爲熱邪所傷。則血隨氣妄行。所以從鼻出也。人謂陽盛則衄者。蓋陽盛則熱盛。熱盛則宜衄。故傷寒太陽症衄血乃解。謂是故也。至於陰病。則不宜衄。蓋陰症自無熱。安得而衄。故少陰病但厥無汗。強發之必動其血。或從口鼻耳目出者。是謂下厥上竭。爲難治。

茅花湯 治傷寒衄血不止。

茅花

水煎濃汁。溫服。如無花。以根代之。

黃連散 治熱病鼻衄不止。或兼吐血。

川連

竹茹

伏龍肝三分

片苓一兩

山梔

甘草炙五錢

薑棗水煎五錢。入生地汁半合。亂髮灰五分。一沸食後服。

阿膠湯 治衄不止。此陽毒攻肺。

阿膠

片苓一分

葱白五寸

熟艾五錢

豉四十九粒炒

作二服。水煎溫服。入生地汁一合。

刺薊湯 治傷寒衄血吐血。心中堅硬。一身疼煩。四肢煩悶。

刺薊

麥冬

生地一兩

竹茹

紫蘇

白茯苓五錢

薑棗水煎五錢服。

黃土湯 治衄血去五臟熱毒。

黃土甕中

白芍

川歸

片苓

甘草

川芎三分

生地兩半

桂心一分

竹茹五錢

水煎五錢服。

髮灰散 血衄不止。

髮灰

麝香

同研極細。新汲水下一錢。又吹鼻中少許。

四生散 治衄血心胸煩悶。

生地汁三合

生藕汁二合

生薑汁半合

白藥子一分

生刺薊汁一合

五共微溫分二服。

化麻湯 治衄血不止。頭痛壯熱。

升麻

紫蘇

白芍一兩

青蒿

犀角

芒硝三分

水煎三錢。入生地汁一合。

地黃飲 治血衄不止。

懷生地黃汁二合

攪勻頓服即愈。

生地汁飲 治時疾壯熱頭疼。血衄不止。

生地汁

生藕汁

生薑汁

白生蜜

各二合

和勻分三服。微煎。食後臥服。

### 傷寒吐血

論曰。傷寒吐血者。熱在陽經。邪盛於表。應汗而不汗。熱毒入深。結於五臟。遂成瘀熱。熏蒸於上焦。血隨氣妄行。并入胸中。胃得血則滿悶氣逆。故爾吐血也。

麥冬湯 治傷寒頭疼。手足煩熱。吐血不止。

麥冬兩半

生地

片苓

甘草

吳藍 茅根

薺 芎 一兩

水煎五錢。入豉百粒。

黃連湯 治吐血不止。由心肺積熱。血得熱即妄行。

川連炒兩

荷葉微炒

熟艾葉微炒

側柏葉微炒

水煎五錢。入生地汁一合。溫服。

紫河車散 治吐血煩躁。

紫河車瓦上炙

朴硝

甘草五錢

蛤粉一分

共末。新汲水和沙糖下二錢。日二夜一。

蜜汁方 治傷寒病後。餘毒不解。心臟熱極。吐血不止。

生藕汁

生地黃

惡實根汁

刺薊根汁各二合

生白蜜一合

和勻。頻頻溫服一二合。

### 傷寒瘀血

論曰。傷寒病在表。當汗不汗。邪無從出。熱結在裏。皆成瘀血。然太陽病不解。熱結膀胱。其人如狂者。少腹硬滿。小便自利。下血乃愈。又陽明病。其人喜忘者。本有瘀

血。大便雖硬反易。其色必黑或赤。病人腹不滿。反自言其滿者。亦爲瘀血在裏。皆宜下之。待瘀血得下卽愈。診其脈沉結者。亦瘀血病也。

抵當湯 治傷寒陽明症喜忘者。必有蓄血。所以然者。本有瘀血。故令善忘。大便

雖硬反易。其色必黑。

水 蛭三十枚炒 虻 蟲翅足炒去 桃 仁二十一枚去皮尖炒大 黃兩一

水煎五錢。空心服。不下更服。

桃仁承氣湯 治太陽病不解。熱結膀胱。其人如狂。血自下者愈。其外不解者。尙

未可攻。當先解其外。外已解。但少腹急結者。乃可攻之。

桃 仁十二枚炒 大 黃一兩 桂 枝 甘 草

芒 硝五錢

水煎五錢。去渣入硝再沸。分三服。

芍藥地黃湯 治傷寒病溫。應發汗而不發。內有蓄血及衄血。吐血不盡。面色黃。

大便黑。

白 芍三分 地 黃 丹 皮二兩 犀 角一兩

水煎三錢。入生地汁三合。再沸服。日二。如發狂。加黃芩一兩。

### 傷寒口舌生瘡

論曰。傷寒口舌生瘡。此脾經受熱。熏於口舌。又或因冬時發汗吐利後。重亡津液。表裏俱虛。熱勢不已。毒氣攻於上焦。致口中糜爛生瘡。

升麻湯 治口舌瘡赤爛。

升麻 一兩

麥冬 三分

丹皮

甘草 五錢

水煎五錢。入竹葉二十一片。大棗二枚。溫服。日二。

苦酒湯 治少陰病咽中生瘡。語聲不出。

半夏 十四枚

雞子 一枚 去黃留白 入苦酒於蛋中

又以半夏入苦酒內。以雞殼。放剪刀環中。安火上煮二沸。少少含咽。

羚羊角湯 治病後餘熱上衝。口舌生瘡。

羚羊角

射干

麥冬 三兩

白芍

木通

蘆根 三兩

升麻 兩半

水煎五錢。食後服。

### 傷寒舌腫脹

論曰。傷寒舌腫脹者。病在三陰也。太陰之脈連舌本。散舌下。少陰之脈循喉嚨。挾舌本。厥陰之脈循喉嚨之後。又手少陰心經。其氣通於舌。凡此經絡為風熱所乘。隨脈至舌。熱氣留於血。血氣壅澀。故令舌腫脹。診其脈數急者。是其候也。

升麻湯 治熱病喉嚨閉塞。連舌根腫痛。熱氣聚於胸中。

升麻

麥冬

石膏 一兩

竹茹

木通

黃柏 五錢

朴硝 二兩

玄參

前胡 三分

水煎五錢服。

犀角湯 治脾肺虛熱。毒氣壅塞喉咽。連舌根腫痛。

犀角

川歸

白芷 一兩

升麻

甘草

杏仁

射干 五錢



水煎五錢。日二。

治心脾熱。舌腫痛。

生地汁半斤

生白蜜八兩

慢水煎稠。舍化半匙。日二三。

### 傷寒咽喉痛

論曰。傷寒咽喉痛者。少陰受邪。邪毒壅遏於上焦。微則咽喉痛。甚則痛而生瘡。又傷寒過經。邪熱內盛。熏於上焦。亦令人咽喉痛。各隨症治。

甘草湯 治傷寒少陰病二三日咽喉痛。

炙甘草二兩

水煎。空心分作四服。

桔梗湯 前服甘草湯不差者服之。

桔梗錢五

炙甘草一兩

水煎分二服。

苦酒湯 治少陰咽痛生瘡。不能言語。聲不出。

半

夏十四枚

洗七次 鷄子一枚

將鷄子去黃用白。和苦酒半夏。復入蛋中。安火上令三四沸。少少嚥之。不差再服。

半夏湯 治少陰咽中痛。

半

夏

桂心

甘草一兩

水煎放冷。少少咽之。

地黃煎 治時氣肺熱。咳嗽咽痛。

地黃汁半斤

白芍

玄參

升麻

貝母三分

麥冬

柴胡

竹葉一兩

白蜜五兩

水五大鍾煎。去渣。入蜜汁慢煎。日三。

### 傷寒毒攻手足

論曰。傷寒毒攻手足者。熱勝則腫也。熱毒之氣。客於腑臟。邪結在裏。循經而出。注於四肢。故令人手足煩熱。赤腫疼痛也。

連翹湯 治毒氣攻手足。腫滿疼痛。心神煩悶。

連翹

麥冬

犀角

片苓

枳殼

川歸一兩

大黃炒

木香

防風

羌活

惡實五錢

麝香一錢

共末。水煎服。

又方 治毒氣攻手足。虛腫疼痛欲死。

蒼耳子 五把

搗爛絞取汁。漬洗手足。

鉛丹膏 治毒氣攻衝。手足虛腫。

鉛

丹 五兩

明松香

乳

香油 炙去

黃蠟 一兩

麝香 一分

先將松香煉化。次入黃蠟。化去渣。入鉛丹乳末。慢煎成膏。入麝香攪勻候冷。用

絹攤貼腫處。凡一切腫毒。并宜貼此膏。

### 傷寒後夾勞

論曰。傷寒差後。復夾勞者。由病人先有風疹。因汗下之後。榮衛虛弱。氣不充足。形體羸瘦。時有盜汗。寒熱不常。喘嗽痰唾。鼻中臭氣。飲食不消。肢體痠痛。面黃頰赤。不即治之。則致危殆。

人參湯 治夾勞骨節疼痛。渾身壯熱。氣力虛乏。

人參

白 茯苓

白 朮

白 芍

桔 梗

大 茴 香

紫 苑 一 兩

柴 胡

陳 皮

蒼 朮

羌 活 二 兩

甘 草 兩 半

秦 朮 三 分

共粗末。薑棗水煎二錢。不拘時溫服。

黃耆鼈甲湯 治傷寒病差後夾勞。形體羸瘠。或寒或熱。病如瘧狀。四肢煩疼等

症。

鼈甲

黃耆一兩

白朮

甘草

陳皮三分

知母

桑白皮五錢

葱白薑水煎五錢。食後服。

柴胡湯 治夾勞五心煩熱。背膊痠痛。手足無力。不能飲食。

柴胡

黃耆

鼈甲

赤茯苓一兩

秦艽

枳殼去白炒

地骨皮

片苓

葛根五錢

人參

甘草三分

薑水煎三錢服。

人參鼈甲湯 治傷寒差後夾勞。寒熱往來。進退不時。頭疼體痛。口苦咽乾。不思飲食。

人參

鼈甲

附子

柴胡一兩

白芍

知母

烏梅肉炒

五味

桃仁炒

桂心

陳皮

羌活

秦艽

川歸五錢

薑水煎三錢溫服。

### 傷寒後勞復

論曰。內經謂熱病少愈。食肉則復。多食則遺。此其禁也。蓋傷寒病新差後。脾胃尙虛。氣血猶弱。穀氣未復。津液未通。若將養失宜。輒嗜肉食。則脾虛不能消釋。或因勞形於事。皆令邪熱乘虛。還入經絡。復成大病。故名勞復。當隨其症候。或表或裏。依法治之。

知母湯 治新差後勞動用力。或飢食過傷勞復。

知母

鼈甲

柴胡兩半

麻黃

葛根三分

雄鼠糞炒焦五枚

水煎五錢。入豉百粒。葱白五寸。食後溫服。喫葱粥取汁。

石膏黃芩散 治食肉勞復如初。壯熱頭痛。心煩欲吐。小便赤黃。

石膏一兩

片芩

山梔

人參

川連

知母

葛根五錢

共末。葱白竹葉湯下二錢。空心服。日二。以差為度。

知母湯 治勞復小腹硬。卵縮疼痛欲死。

知母

柴胡

麥冬

甘草 半分

葱 白三莖

水浸一宿。煎至小半。入童便二盞。豉心半合。再煎五六沸。入地黃汁二合。更煎微沸。空心頓服。微利即差。

### 傷寒後骨節煩疼

論曰。傷寒後骨節煩疼者。由津液不足。血脈皆虛。餘毒客於經絡。榮衛澀滯於骨節之間。故令骨節煩疼。診三部脈細而遲澀者。乃其候也。  
柴胡飲 治傷寒病後。骨節疼痛。咳嗽不能食。口舌乾燥。乍寒乍熱。唇口生瘡。

柴胡

升麻

人參

白芍

茯苓

百合

地骨皮

片苓

麥冬

犀角 五錢

鼈甲

石膏 一兩

甘草一分

水煎五錢。入竹葉、生薑。食後服。日二。

百合湯 治差後四肢煩熱。骨節疼痛。

百合 知母

鱉甲

柴胡

葛根 桑白皮一兩

水煎五錢。入生地汁一合。食後服。日二。

羌活湯 治傷寒病差後。下焦風虛。骨髓痠痛。腰脚頑痺不仁。不能久立。日漸消

瘦。

羌活 防風

丹參

白芍

棗仁 牛膝

五加皮

玄參

木通 川歸

檳榔

麻黃

獨活五錢 黃耆

桂心三分

薑水煎五錢。空心服。日二。

傷寒後虛煩



論曰。傷寒病後煩躁者。有虛煩。有穀煩。陽氣偏多。謂之虛煩。病差後食穀太早。新虛不勝穀氣。胃內蒸熱。謂之穀煩。若陰陽和調。則虛煩自已。損其穀食。則穀煩者差。

竹葉湯 治傷寒後虛煩。狀似傷寒病。但身不疼痛。不惡寒。內外皆不可攻者。

淡竹葉 半把

石膏 四兩

人參

甘草 五錢

麥冬 二兩

半夏 薑汁製

生薑水煎三錢。入粳米百餘粒。溫服。

梔子豉湯 治傷寒汗後。虛煩不得眠。劇者必反覆顛倒。心中懊懣。又治傷寒發汗若下之虛煩。心中窒痛。又治下利後更煩。按之心下軟。為虛煩。

山梔 去皮炒

豉 四合

水煎三錢。不拘時服。日二。

五苓散 治傷寒中風。發熱六七日不解。心煩躁悶。有表裏症具。渴欲飲水。水入

內即吐。名曰水逆。

猪苓

茯苓

白朮 三分

桂心 五錢

澤瀉一兩

共末湯下二錢。

猪苓湯 治少陰病。下利六七日。咳而渴。嘔而煩。不得眠。

猪苓

赤茯苓

阿膠

滑石

澤瀉一兩

水煎三錢。溫服。

麥冬湯 治傷寒病後。餘熱不解。或寒或熱。四肢瘦弱虛乏。飲食不入。胸中煩。滿

悶虛躁等症。

麥冬

赤茯苓

人參

白朮

黃耆

陳皮

地骨皮一兩

甘草

桂心五錢

水煎三錢。溫服。

六神湯 治病後虛煩不安。

人參

黃耆

白茯苓

山藥

百合

防風二兩

薑棗水煎五錢。不拘時服。日二。

### 傷寒後盜汗

論曰。汗者心之液。傷寒差後。眠寢有汗者。由心氣偏虛。榮衛不足。腠疎表弱。因寢寐之間。汗出。故名盜汗。久不已。日漸羸瘦。肢體痿弱。人參湯治傷寒病後。體氣虛弱。夜臥汗出不止。頭旋惡心。日漸羸瘦。不思飲食。

人參

半夏

黃耆

麻黃根一兩

牡蠣

火煨童便淬  
三次二兩

防風三兩

生薑水煎五錢。溫服。

杜仲湯 治病後虛弱。夜多盜汗。

杜仲二兩

人參

甘草三分

白朮

黃耆

白朮

白芍炒

茯苓一兩

牡蠣

麻黃根兩半

水煎五錢。溫服。

白朮散 治盜汗不止。

白朮 二兩陳壁土炒

為末。菖蒲湯下二錢。不計時服。

粉汗方 治病後盜汗。腠理開疎。

牡蠣 燒紅童便碎入兩

共末。寢寐中有汗。使人傅之。

麻黃根 水洗焙一兩

### 傷寒後驚悸

論曰。傷寒後心氣不足。風邪乘之。則令人精神不寧。恍惚驚悸。由於憂念思慮。致心氣虛。邪氣內乘。故神氣不得泰定而生驚悸也。

前胡湯 治伏熱在心。怔忡驚悸。

前胡

茯神

人參 一兩

遠志 兩半

丹砂

甘草 一分

薑棗水煎服。

人參扶神湯 治心虛驚悸恍惚不寧。

人參

扶神一兩

陳皮三分

杏

仁去皮尖炒一分

生薑水煎三錢服。

扶神丸 治心力勞倦四肢羸弱心忪驚悸吸吸短氣補虛。

扶神

麥冬

熟地一兩

人參

丹皮

黃耆三分

澤瀉

甘草

牛膝

桂心五錢

共末。蜜丸桐子大。食前酒下二十九丸。

傷寒後失音不語

論曰。傷寒後失音不語。由風寒客於會厭。會厭為音聲之戶。邪氣傷之。故卒然無音。又肺主聲而通於氣。人之五臟有五聲。皆稟氣而通之。若邪客於肺。則氣道不調。亦令人語無聲音。當隨其輕重治之。

杏仁煎 治暴嗽失音語不出。

杏仁炒研 二兩

百合

木通

五味子

貝母

紫苑

桑白皮一兩

薑汁五錢

白蜜

沙糖四兩

水五大鍾煎六味去渣下杏仁薑汁蜜糖沙糖微煎如錫樣收貯水煎半匙不

拘時服。

豆竹湯 治失音不語。

黑豆半升

青

竹

去節如算大四十九  
每莖長四寸洗淨

用水五大碗同豆煮熟為度溫三服。

羚羊角散 治失音不知人口眼不正舌強。

羚羊角一兩

麻

黃去節

石

膏五錢

片

苓

防風

麥冬

升

麻

乾

葛三分

水煎五錢溫服日二。

二瀝湯 治失音不語。

竹 瀝用綠竹去節  
火燒取瀝

荊 瀝同上

梨 汁二合

陳醬汁半合

各濾過和勻。分四服。早晚用。

桂心湯 治邪氣傷肺。失音不語。

桂 心二兩 石菖蒲一兩

水煎三錢溫服。取微汗。未退再服。

芥子酒熨方 治肺中風冷。失音不語。

白芥子五合洗  
乾研

用白酒三鍾。煮令半熟。以布帶熱包裹。令人熨頭項周遍。冷則易之。

### 傷寒後咽喉閉塞不通

論曰咽喉閉塞不通者。脾肺壅滯。風毒蘊積。內搏經絡。上攻咽喉也。足太陰之脈。上膈夾咽。而喉則肺氣之所通。故脾肺壅熱。則咽喉閉塞。凡傷寒後餘毒未盡。上攻咽喉。故亦令閉塞不通。

黃芩湯 治咽喉瘡痛。口瘡煩躁。頭痛毒氣上攻。

黃芩

大青

山梔

甘草五錢

升麻

麥冬一兩

水煎三錢。入竹葉。食後服。日三。

升麻湯 同治

升麻

木通一兩

白芍

射干

羚羊角五錢

蘆根一握

水煎三錢。食後溫服。

葛根湯 治傷寒後咽喉疼痛。

葛根

竹茹一兩

倉粳米一合

生薑大棗。水煎三錢。食後服。

貼喉膏 治喉痛舌強。邪熱上攻。

白蜜半斤

甘草二兩

豬脂四兩

以脂蜜煉化。入甘草煎赤黑色。濾去渣。收貯。頻取半匙含化。



射干煎 治咽喉疼痛閉塞不通。

射干研末 猪板脂一斤

先煎脂化盡。下干熬黑色。濾過再熬。成煎收貯。綿裹。彈子大含化。  
又方 熱病後咽喉閉塞不通。毒氣上攻腫痛。

黃明膠

如掌大一片。用水煮軟。貼頸外差。

### 傷寒後變成瘧

論曰。傷寒後變成瘧者。因病差後。外邪未散。其臟尚虛。因為勞事。致二氣交爭。陰勝則振寒。陽勝則發熱。陰陽更勝。則往來寒熱。休作有時也。一日再發者。得汗必解。若傷寒八九日得之。熱多寒少。其人不嘔。清便自調者。欲自愈也。或陽明症。煩熱汗出。日晡所發熱者。脈浮宜解表。脈實宜攻裏。又婦人熱入血室。發熱而更作寒者。當詳辨之。

升麻前胡湯 治變成瘧。寒熱躁渴。

升麻

前胡兩半

白芍

知母三分

木通

朴硝

烏梅肉

山梔五錢

甘草炙一兩

生薑大棗。水煎五錢。去滓。入生地汁二合。煎二三沸。食後服。日二。

黃芩鼈甲湯。治傷寒後變成勞瘧。久不差。

片苓

柴胡

山梔

烏梅肉炒五

鼈甲醋炙一兩

甘草一分

生薑大棗。柳枝尖七枚。大豉半合。藥五錢。入童便同浸一宿。次早五更煎。減半。

去滓。入生地汁一合。沸服。

茯苓飲。治寒熱不退變成瘧。

赤茯苓

鼈甲

地骨皮二兩

知母

柴胡兩半

枳殼去白炒一兩

水煎五錢。去滓。入生地汁一合。再沸。食後良久服。如人行五六里。再服。

傷寒後腳氣

論曰。傷寒後脚氣者。緣其人腎經本虛。風溼毒氣乘虛客入腎。腎主腰脚。故邪氣沉滯。則脚弱而痛。雖傷寒已差。邪熱未盡。風溼毒氣與熱相搏。上衝於心肺。其狀令人心胸煩滿。上氣息急。甚者致死。診左尺脈洪而數者。脚氣也。服藥後脈沉而緩者愈。

羚羊角湯 治脚氣上衝。心膈煩悶。

羚羊角

白 茯一兩

片 苓

半

夏薑汁

陳皮去白炒

吳茱萸洗炒

檳榔五錢

生薑水煎五錢。空心服。

紫蘇木香湯 治脚氣衝心。心神煩亂。嘔逆減食。脚膝痠疼。

紫蘇

白芍

沉香

木通一兩

木香

赤茯五錢

吳茱萸洗炒

檳榔

陳皮

薑水煎三錢。食前服。

赤小豆湯 治脚膝腫滿氣急。大便秘澀。

赤小豆半合

桑白皮

檳榔五錢

紫蘇一兩

水五鍾。薑一分。煎減半。空心分二服。

吳茱萸散 治脚氣心腹妨悶脹痛。坐臥不安。

吳茱萸洗炒一分

木香

川歸

檳榔

郁李仁炒三分

水煎三錢。空心溫服。日二。

### 傷寒後利下膿血

論曰。傷寒後變成膿血利者。因本病差後。熱毒未散。乘虛客於腸胃之間。與津液相搏。故下利膿血。毒氣盛則臟熱而痛。兼以溼氣加之。則所下如魚腦。或如爛肉雞鴨肝之屬。又傷寒未解。陰病下利便膿血者。亦溼熱相搏故也。

地榆湯 治熱毒不解。日晚壯熱。腹痛下利膿血。

地榆

川連

片苓

犀角

苦根一兩

山梔五錢

水煎三錢。入薤白二寸。不拘時服。

桃花湯 治傷寒少陰病。二三日至四五日。腹痛。小便不利。下利膿血不止。

赤石脂 四兩

乾薑炒一分

糯米二分合

水煎五錢。溫三服。得愈止。

黃連湯 治熱病差後。下利膿血不止。

川連

阿膠一兩

芩三分

梔子一分

水煎三錢。空心服。日二。

赤石脂湯 治下利膿血。腹痛不止。

赤石脂

黑乾薑

附子

川歸五錢

白芍一兩

水煎五錢。空心溫服。日二。

傷寒後蠱瘡

論曰。傷寒後蠱瘡者。因腹中有熱。其人少食。胃中空虛。三蟲須食。或食五臟。或食

下部。隱僻有瘡。故名蠹瘡。其候齒無色。舌上盡白。四肢沉重。忽忽喜眠。甚則脣裏有瘡。其瘡在上脣裏。如粟米。心內懊懣痛者。此蟲食五臟之症。若下脣裏有瘡。其人喜眠者。此蟲食下部之症。若肛爛見五臟者死。故名曰蠹瘡。

桃仁湯 治傷寒後蠹瘡。

桃仁去皮尖炒

槐角子炒

熟艾一兩

大棗十五枚

水煎分三服。

槐角子丸 治溼蠹蟲食下部。心中煩懊。

槐角子炒

苦參一兩

乾漆炒三分

木香

檳榔一兩

桃仁去皮尖炒二兩

熊膽五錢

共末。蜜丸。桐子大。空心荆芥湯下二三十丸。

羚羊角散 治心中煩躁。脣口生瘡。蟲食下部。

羚羊角

黃耆

玄參

柴胡三分

草龍膽

升麻五錢

共末。用槐角子湯。空心下二錢。日二。

雄黃散 治蠱蟲。

雄黃 醋研一分

川連

苦參

青箱子 兩半

桃仁 去皮尖炒 研三分

共末。空心飲下一錢五分。蠱在下部。以綿裹少許內之。

桃皮湯 治蟲食下部。

桃白皮

樞實

槐角子 一兩

石榴根皮 五錢

大棗水煎五錢。空心溫服。日二。以差為度。

天行下部蠱瘡

烏梅肉 五錢 搗

獨蒜 一枚 搗

屋塵 三合 研

用苦酒一升。於銅器中共煎。候可丸。即丸如棗核大。內下部中少頃。易之差。

傷寒不究心仲景。則變證不知。雜證不識。今總錄中變證。備載仲景祖方。一無

遺漏。按方療治。神明在人矣。本家藏發明仲景傷寒書。自郭白雲、龐安常。成無

己後。約五十餘家。節菴非仲景衣鉢。不與焉。行將剗剗傷寒集註。公諸宇內。則

學有淵源。方有祖法。為醫家大宗匠。此余之所厚望於來學也。

康熙辛酉花朝靜觀居士程林識於維揚三一齋中

### 辟瘟疫令不相傳染

論曰。凡時行瘟疫。皆四時不正之氣。感而病者。長少大率相似。此病苟不辟。多致傳染。宜方術預防。

敗龜板湯 治辟時行瘟疫。令不相傳染。

敗龜板酥炙 錢

山 梔

大 青

白 芍

羚羊角

馬牙硝

紫 苑

前 胡一兩

水煎五錢。空心溫服。日二。

蒼耳子散 宜預先服之。辟瘴疫時氣。

蒼耳子午日乾 三兩

爲末。空心井華水下二錢。

又方

蕪 青不拘多少  
水洗淨





3 1111 008723627

搗取汁。立春後值庚子日。合家大小宜溫服一二鍾。則永除瘟疫之患。  
塗傅方 辟瘟疫時氣。

雄黃一兩

丹砂

鬼白

石菖蒲一兩

共末。井水調和。塗五心及額上鼻中耳門。辟瘟甚驗。

調中丸 治四時疫癘非時之氣。

大黃炒五兩

麻仁研一兩

枳殼炒

白茯苓

白芍藥

前胡

片芩一兩

共末。蜜丸。梧桐子大。空心飲下二十九。微利臥服佳。

名

